

أمنية

أمنية: رواية

الكاتب: أحمد حسن

تدقيق لغوي وإخراج فني: الباشا عبدالباسط

غلاف: أحمد صالح

رقم الإيداع: 2018 / 11581

الترقيم الدولي: 3 - 659 - 776 - 977 - 978

دار الزييات للنشر والتوزيع: Facebook Page

E_mail: bentelzayat1@gmail.com

Website: www.bentelzayat.tk

رئيس مجلس الإدارة / د. شاهنדה الزييات



جميع حقوق الطبع والنشر محفوظة ©

لدار الزييات

المشهرة قانوناً بسجل تجاري رقم / 49351

أَمْنِيَّةٌ

الكاتب
أحمدُ حَسَنٌ



دار النهضات للنشر والتوزيع
مدف حاكم يتحقق

إهداء

لكاست تجارة "جامعة عين شمس"
المكان اللي اتعلمت فيه الحياة والفن.

أمي

مصدر القوة والسعادة اللي في حياتي

وإهداء لأهلي كلهم

ولأستاذي محمد جبر

ومحمود جمال

وزياد المصري

ولأكثر ناس كانت بتقف جنبي نانسي نبيل، بسمة شرين

أحمد برسي، أحمد شوشة، أحمد أبوزيد، آية حمزة

لكل وقت شُفت فيه نفسي فاشل وكل وقت كانت حاسس إنني مش باعرف

اكتب وكل وقت حسيت إنني ضعيف

ولكل ممثل في جامعة عين شمس

أنا اتعلمت منكم كثير كلكم.

* * *

القاهرة

القاهرة مدينة السحر والجمال، مدينة السعادة، المدينة المملوءة بالحب، هذا الكلام القليل أكتبه في المدينة التي سمعت عنها الكثير.. وقرأت عنها الكثير والكثير.. القاهرة هي مدينة الأديان.. القاهرة هي مدينة الأحلام.. القاهرة هي شارع بدايته في نهايته.. يسقيها نيلها ويطعم أهلها زرعها، سوف أظل أتحدث وأقول القاهرة هي.. وهي.. ولكن سوف أروي حكاية تتعلمون منها ما هي القاهرة وأحلامها الضائعة فكنت أطوف في شوارعها أمسك في يدي ورقة وقلماً أبحث عن مكان أتحدث عنها فيه وأخذت أمشي وأمشي في كل شوارعها أنظر حولي يميناً ويساراً وأجد أماكن لم أجدها إلا هنا فرأيت التاريخ يصحبه عصرٌ منتهٍ.. رأيت أعمدة كثيرة بلا سقف فاخترت هذه الجملة لكي تكون عنوان جلستي مع القاهرة، فذهبت إلى النيل فرأيت رجلاً عجوزاً فقررت أن أقف بجانبه وجلست وأمسكت قلمي وبدأت أكتب في ورقتي فأنا أتحدث حين أكتب، فقلت نيلها وسمعت صوتاً يقول لي.. يتلون بلون أهلها.

فنظرت له وقلت: ماذا ترى؟

فقال لي: حين تريد أن تتحدث عنها يجب أن تعرف أشياء كثيرة عنها.

- لم أفهم ماذا يقصد ولكن كان صوتي ضعيفاً ولكن سمعني وقال لي ما الذي لا تفهمه بالضبط، فسألت نفسي كيف تمكن من أن يفهم ما أفكر

فيه؟! ولكن الأغرب لم يكن ذلك فحاولت أن أناغش عينيه ولكن اكتشفت أنه كفيف فأخذ الاندهاش يزداد فرأيته أيضًا يقول لي تسأل نفسك.. كيف رأيتك وأنا كفيف؟ فكنت أقف مدهوشًا فقلت له كيف؟!.

- سوف أقول لك ما تريد ولكن قل لي ماذا تريد أن تكتب؟.
- وكيف عرفت أيضًا أنني أريد أن أكتب شيئًا؟!
- يا صديقي كل من يمسك ورقة وقلمًا يأتي إلى هنا يقف في مكانك ويقول نيلها.. وتحذته أنت بنفس الكلمات التي قلتها لي؟! لا والغريب أنني أسمعهم جميعًا ولا أتحدث ولكن في هذه المرة قررت التحدث.
- إذن محظوظ أنا!.

- من قال هذا.. فمن الممكن أن تغير فكرتك حين تسمع ما سأقوله لك!.

- لماذا؟

- سوف أجيبك على هذا حين أفهم ماذا تريد أن تكتب؟.
- أريد أن أكتب رواية عن القاهرة ولكن بشكل جديد لم يسبق لأحد الكتابة عنها به.

- وماذا سوف تسمي هذه التجربة؟.
- أعمدة بلا سقف.
- وما هي الأعمدة التي رأيتها وأنت تطوف في شوارع القاهرة جعلتك تريد أن تكتب ذلك؟

- أنا تركتها لكي يفهمها كل شخص أو كل قارئ كما يريد.

-
- ولكن لن يفهم أحدٌ ما تريده أنت!.
 - لماذا؟!.
 - لأنه ليس باستطاعتك أن تروي معنى الأعمدة وما هو السقف.
 - كيف رأيتني؟! لكي أكمل حديثي معك.
 - انظر أمامك سوف ترى مركبًا به فتاة ترقص وبقوة.. أتراها؟.
 - نعم.
 - انظر بجانبها على الماء وقل لي.. ماذا ترى؟.
 - لا أرى شيئًا جديدًا.
 - كيف؟!.. سوف أسألك سؤالًا.
 - تفضل.
 - هل لون القطعة المحيطة بالفتاة هو لون الباقي؟.
 - لا.. لماذا؟.
 - لا أعلم.. اللون الذي تتلون به هذه القطعة هو نفس اللون الذي تتلون به هذه الفتاة.
 - وما الجديد في ذلك!.
 - هذا شيء طبيعي؟
 - نعم.
 - إذن سوف أقف أمامك الآن هل سوف تتلون بلوني؟!.

-
- لا.
 - لماذا؟.
 - لأنني لست شفافاً.
 - لو كنت شفافاً فلن تتلون.. وإن كنت صافياً سوف تتلون.. الصفاء يا صديقي هو ما يجعلك تقتبس من أمامك الألوان، الصفاء مادة لا تستهلك لذلك النيل يتلون.. أستطيع أن تخبرني لماذا اخترت النيل لتكتب عنه؟!
 - هو أشهر معالم المدينة التي أكتب عنها.
 - دائماً تدهشني أيها الولد بإجاباتك الطبيعية هذه يا صديقي، يوجد الكثير من المعالم بالقاهرة ولكنك بحثت كثيراً عن مكان ترى فيه كل "الكراكرات" التي تبحث عنها فلم تجد سوى النيل.
 - فكرت أن تكون مؤلفاً من قبل؟!
 - ولم تراني مؤلفاً؟
 - شعرت أن بإمكانك أن تقنع الناس.
 - وأنت؟.
 - وأنا ماذا؟!
 - ألا يمكنك أن تقنع الناس؟!
 - بلى، ولكن هذه بدايتي ولا أعلم إذا كنت سوف أستطيع أن أقنع الناس أم لا.

-
- إن لم تكن مقتنعًا أنه يمكنك أن تقنع الناس بكلامك فلا تكتب حتى لا تضيع وقتك.
 - أنا لا يهمني رأي أحد فيما أكتبه.
 - كيف ذلك.. تكتب للناس ولا يهتمك رأيهم؟!.
 - إنني أكتب لأنني أحب الكتابة.
 - والكتابة خلقت لتنتشر والدليل على ذلك الكتب المقدسة.
 - لماذا تحب الجلوس هنا.. وفوق ذلك يتضح من كلامك أنك تجلس هنا منذ وقت طويل.
 - الذي أحبه أكثر من ذلك هو أسلوبك في تغيير مسار الكلام.
 - لا أنا لست بهارب من الحديث ولكن يوجد في عقلي الكثير من الأسئلة التي أبحث لها عن إجابات.
 - ولكن يا صديقي لم تكن أسئلتك هي الغرض من هذا اللقاء.
 - ما هذا؟! هل وضعت غرضًا لهذا اللقاء؟.
 - يا صديقي كل شيء في هذا الكون له غرض.
 - وما هو الغرض من لقاءك؟.
 - هو الحديث عن الأعمدة التي لا يوجد لها سقف.
 - وما هي الأعمدة في عينيك؟.
 - كقارئ أم كمساعد للمؤلف؟!.

-
- كإنسان.
 - لا يوجد أساس حتى تكون هناك أعمدة.
 - لم تقول ذلك؟!.
 - الأعمدة الحقيقية في عيني تبني على الأحلام وعن حب الوصول والرغبة والشغف والمسافات الطويلة التي يقطعها الحالم تجاه حلمه، هل تعتقد أن شكسبير حين قرر كتابة هاملت كان يعلم أنها سوف تبقى وتدرس الآن، إجابة هذا السؤال محيرة جداً فإن قلت لا فأنت تقلل من شأن هذا النص العبقري وإذا قلت نعم فأنت تبالغ ولكن ما أدركه الآن هو أنه عمل على حلمه، اجتهد ولم يبخل عنه بوقت أو بمجهود، كان يتعلم حتى أصبح معلماً فهذا ما أريد أن أكونه، بنى أساساً لكونه يتعلم وصنع أعمدة كقارئ جيد فصنع سقفاً لكونه مؤلفاً عظيماً فمثل شكسبير كثير من الكتاب والعلماء والممثلين العمالقة.
 - إذن أنت تقول أنه يجب أن يكون الأساس في الأحلام!.
 - لا أقصد الأحلام فقط كل شيء يجب أن يكون له أساس، الأخلاق والقيم للأسف أصبحت عملة مثل عملة الدولة التي يعيشون فيها إذا كانوا في دولة يلتزمون قليلاً وإذا كانوا في دولة أوروبية ينسون كل شيء، يتذكرون فقط الحريات المفرطة.
 - أين الأساس في ذلك؟ أصبحنا مؤدبين للحياة والأيام، لم نكن نعيش ونستمع بهذه الأيام، يجب أن نفعل كل شيء مستمتعين به، سوف أقول لك مثلاً، انظر إلى الممثل الذي يقف على خشبة المسرح يجلس لشهور

يحضر في "بروفات" بالساعات ويتحدث دائماً من الشخصية ويشقى دائماً على أن يكون صوته عاليًا وأداء وجهه مملوءًا "بالريأكشانات" وممثل آخر أيضًا من الممكن أن يجلس شهورًا ولا يتحدث ولكن يكتفي فقط بكونه يقف على خشبة المسرح.

كل هذه الساعات والأيام يعلمون جيدًا أنها سوف تذهب ولن تعود ولكنهم سعداء لأنهم يعيشون ولا يعدون لا ينتظرون سوى "السوكسيه" الذي ينالونه في نهاية العرض، هذه أخلاق المسرح التي يلتزم بها كل الممثلين الذين يقفون على هذه الخشبة المقدسة.

- وهل ترى أنه يكتفي "بالسوكسيه"؟

- كنت أنتظر هذا السؤال.. نعم يكتفي لأنه هو يريد أن يبقى في أعين المشاهدين، هذه هي الجائزة التي ينتظرها ولأنه يعيش أجمل ما فيها يا صديقي كل من يعيش في هذه الحياة يسعى إلى أجمل ما فيها وكل من يؤدي ينتظر الوقت الذي يشعر فيه أنه يعيش وحين يعيش ينتظر ما في أجمل هذا العيش، مثلك بالضبط، إذا كتبت شيئًا رائعًا ولم تجد أحدًا يقرأ، ماذا سوف تفعل؟

- ولم لا يقرأ؟

- لأنه لا يوجد شيء في هذا الكون يجتمع عليه كل الناس حتى وجود الإله فيه مشككون كثر وملحدون فأكيد لن يجتمع كل الناس على حب ما تكتب حتى وإن كان ما تكتبه رائعًا جدًا.

- ممكن أسألك سؤال؟

-
- من غير ممكن اسأل طبعًا
 - هو انت كنت بتعلم بياه؟
 - إمتي؟
 - يعني إيه إمتي؟
 - شوف احنا بنحلم أحلام كتير قوي من يوم ما ربنا بيخلقنا واحنا بنحلم ودايمًا بنفضل نسعى، بس اللي بيحصل إن ممكن في مرة نعطل أو نكسل أو نتخلى، ممكن نضعف أو نياس بس عارف ساعتها برضه بتبقى بتفكر في حلم جديد عشان تقدر تعيش.
 - كل شيء بيبقى ليه بداية ونهاية إلا الحلم، انت مش عارف إمتي بيبدأ وإمتي بيينتهي.
 - هو في حلم بنتهي أصلًا؟ لو بيينتهي يبقى ما كانش حلم، كل ما توصل لحاجة بتبقى عايز توصل للأعلى منها، ما هي غريزة كدا لازم تفضل تصارع.. تصارع بقى ناس مجتمع دين نظام دولة المهم انك تكون قد الصراع وما تخافش جرب تكتب العاهرات هتلاقي الناس كلها بتشتكم وبيقروا اللي انت كاتبه، اختلاف غريب، ولو كتبت عن الأخلاق مش هتلاقي حد بيقرا، جرب كدا اكتب عن الحزن ولا جرب تكتب عن الكره ولا الكرامة ولا عن الدولة والحكم ولا عن الحرية والست ولا عن الظروف ولا عن الحلم ولا حتى عن اليوم اللي قررت تكتب فيه ووقفت وقلت نيلها، عارف البنات اللي انا وريتهالك اللي كانت قاعدة بترقص؟ سُفت ضحكها كانت قد إيه كانت مالية وشها خطوط، شفايفها كانت شكل الصراط حادة قوي وسعيدة بس الحقيقة إن مش كل اللي هيمشي على الصراط هيخش الجنة هي البنات

دلوقتي عايشة في الجنة لو دقايق، تحس فيها إنها مبسوفة مستسلمة للسعادة ومقررة تنسى كل الحزن والمشاكل اللي بتشوفها في حياتها، خايفة ومبسوفة وفرحانة وبتعيط وبتضحك وآه وآه دي بتقولها بصراخ جواها وعارف لو فتحت بُقها وقالتها مصر كلها هتسمعها، العالم كله كوكب الأرض كله هيسمعها هي هي نفس آله اللي بتصرخ بيها حبيبتك ولا عشيقتك لما تتجمعوا في سرير واحد، نفس الصوت اللي بيسمع العالم، كله كسر حاجز العذرية هو نفس كسر حاجز الخوف والانطلاق لحرية عارمة ولا الحرية تانية جبانة دايمًا عليها قماش أسود محجزها مش عارفة تنطق بسببه ولو قدرت وقطعت القماش، ساكين العادات والتقاليد بتبقى حوالين رقبته، العار بيكون هو الشماعة اللي بيتعلق عليها كل حاجة ولما تيجي تصرخ بيكون عشان الدنيا ليل قرررو إنهم يحرموه منها قرررو يخلوها آلة ولا دنيا حاجة كدا بلا إحساس كل اللي اقدر اقولهولك إنهم لما بيغرطوا ساعتها بيكونوا دفنوها ولما بتيجي تموت بتبقى بدأت تعيش فبيعيطوا عشان خلاص حسوا إنها خرجت من تحت أيديهم، الست اللي جات وقالت لهم مبروك كانت لابسة جلاباب أسود وشها مكشر يخوف واللي قالت لهم البقاء لله كان وشها أبيض منور صفاء الليل في عينها يسعد، يفرح، يطمئن، عارف زي إيه؟ دار الحق ودار الباطل عزرائيل وجبريل هم برضه نفس الناس اللي ضحكوا في ذبح البنت هم اللي شايفين عزرائيل وحش ومهما تقنع فمهم إن هو ملاك ما يقتنعوش، شايفين إنه بينذيرهم بيقبض أرواحهم ما فكروش مرة إن هو مسير وان دي وظيفته اللي ربنا خلقه عشانها وهم في شغلهم و مدير واحد فيهم قال له غير حاجة ولا اكذب

ولا ولا ولا بيعملوا في ثانية، ما فكرش برضه إن هو بينذي البشر، عارف هات حمار قل له انت مالك حزين ليه؟ هينق، هتتضر به هيخاف ويجري ويسمع كلامك ولو سبته وعاملته باحترام هيرجع ينق، والمرة دي مش خوف ولا جبن هو بس حس بالأمان فبيبدأ يطلب بحقه لأنه روح فتزهق وتكرر إنك تسكته فتضر به فيرجع يسكت عشان يفكر ازاى يكون في أمان، فيسكت فيتعب بس لو خليته يتكلم هيشكي وبرضه هيصرخ.

تعرف رنة الطبله مع خبطات الدرامز وصوت الكمان وإحساس العازف ونداء الدراويش وصوت الأذان ورنه الكنيسة ودموع السامع وكلمات الشاعر وصوت المداح وأحلام المؤلف ورسمه الرسام بيمثلهم راقص على مسرح بينادي لله وبيعزف وبيخاف بيحرك كل حته في جسمك بينادي بالحرية وبيقف قدام شعوب ويطير في السماء وبيرجع على الأرض بيجمع أهات وصرخ كل واحد واقف تحت بيتفرج عليه، ورجله فجأة تتقلب جناحات إيدته بتكون 100 لون زي الفراشات بينادي وبيصرخ وكمان بيقول أهات.

- واشمعنا الراقص؟

- كل الناس بتحب الرقص بيبعدوا بيه عن اللي جواهم حتى لو كان حركات بسيطة خالص ممكن كمان ما يكونش لها معنى بس بيكون مطلع فيها مجهود كبير قوي بيخلص عشان السعادة اللي بيحس بها الراقص هو عبارة عن حب على غريزة عن كبت الراقص، الرقص هو الحالة اللي دايمًا بتخليك سعيد لسا برضه عايز تعرف إيه حلمي؟

- لا.. أنا عايز افضل اسمعك بس.
- هاقول لك على حاجة، في مرة رُحت اتفرج على مسرحية، في أول ما دخلت المسرح وانا باتسند على الحيطان وباخبط بالعكاز قدامي حسيت وسمعت الناس وهمساتهم، سامع السؤال اللي بيسألوه رغم إن صوتهم كان واطي جداً، دا كفيف إيه اللي جابه هو مش هيشوف حاجة ولما جه واحد عشان يساعدي ابتسمت من جوايا، أصل سألت نفسي سؤالين هو أنا صعبت عليه ولا بيساعدي من باب الذوق؟ بس كانت الإجابة في كلتا الحالتين: تسلم، شكراً، ولما جه قعدني قدام فجه واحد تاني كلمه بصوت واطي قال له إني كفيف مش هاشوف، فرد اللي ساندي قال له عشان يسمع كويس، فرديت قُلت له أيوة، حتى انا كدا كدا هاسمع ما أصل المخرج عرف الممثلين بتوعه إن فيه ست طرشة وعميا وما بتتكلمش قاعدة في آخر كرسي ولازم تسمع، فحسيت إنه اتكسف، فقلت اعرفه إني مش زعلان وقعدت فطلع مخرج العرض قبل فتح الستارة وقال إنهم عاملين عرض عن أحلامهم وكلهم في العرض هيتكلموا بصراحة وفضلت قاعد أسمع ومبسوط وفجأة سمعت حوار ما بين ممثل ومؤلف بيقوله.
- الممثل: هتكتب؟
- المؤلف: مش عارف!
- الممثل: هو انا ليه حاسس انك خايف؟!
- المؤلف: أنا مرعوب.
- الممثل: من الكتابة؟!
- المؤلف: لا.. تعرف إنه جالي امبارح؟

-
- الممثل: إية دا.. بجد؟!
- المؤلف: بجد؟
- الممثل: طب دا حلو وقال لك إيه؟
- المؤلف: كنت قاعد لوحدي وفجأة لقيته جاي بيضحك وأول ما شفته وزعقت في وشه جامد قوي أنا مش عايز أشوف وشك تاني رد عليّ وقال لي انت ما تقدرش تستغنى عني رُحت واقف قدامه وقُلْتُ له انت عايز إيه مني؟ اطلع برّا، راح مزعق وقال لي لأ، رحح ضربته بالقلم وزعقت، ابعده عني وعيظت قال لي أنا هامشي، بس قبل ما امشي حببت أفكرك بدموع أمك اللي كل يوم بتنزل وهي قاعدة مستنية تشوف فيلم ولا مسلسل ولا مسرحية من تأليفك، رحح زعقت ودموعي نزلت أكثر وقُلْتُ له اطلع برّا قال لي هاطلع بس فاكر الواد صاحبك اللي كان دايماً يقول لك انت بتعرف تكتب؟! دول شوية كبت يا حبيبي بتطلعهم على الورق، زعقت في وشه وقُلْتُ له اسكت مش عايز اسمع صوتك، مش هاسكت فاكر كمان البنات اللي قعدت تكتب شعر عشان تقوله لها وسببت لها كمان الورق وجات قالت لك إيه دا انت ناقل الكلام دا منين؟ ولما قُلْتُ لها إن انت اللي كاتبه قالت لك مش بطال؟! ولا الناس الكثير قوي اللي مستهترة بموهبتك ولا صحابك اللي عاملينك الإفيه اكتب لنا كدا حاجة تبسطنا أقول لك تاني ولا كفاية أنا ما كنتش عايز اسمع حاجة أصلاً، لأ هتسمع فاكر أول يوم قابلتها كانت في المسرح قُلْتُ لها شعر، كانت مبسوطة قوي وبدأنو تتكلموا لحد ما حبيبها، كانت بتشجعك واقفة في ضهرك، فاكر لما ابوها طردك؟ كنت بتكتب. فاكر لما جرحوك بكلامهم؟ كنت بتكتب. فاكر القهوة دي لما

جات لك؟ كنت بتكتب. فاكر لما قال لك عمرك ما هتكون حاجة؟ كنت بتكتب. اكتب باقول لك.. مش هاكتب.. اكتب.. مش هاكتب، هافضل اكتب لحد إمتى ما حدش هيقرا غيرها هافضل اكتب واعين في الشنطة؟! بص كدا الشنطة بقت قد إيه وكمان بقت ثقيلة ما بقيتش قادر أشيلها، تقلت على ضهري، بقى يوجعني من كتر شيلها بس، أنا نسيت الكتابة.. اكتب عشان تعيش.. ومشى ولما مشى صرخت وقعدت أعيط وكنت باكتم وشي في المخدة عشان ما حدش يسمع صراخي.

الممثل: هو مين دا؟

المؤلف: حلمي... وفضلت سامع صوت السوكسية كل الناس إيديها وجعتها بس مش قادرين يبطلوا تصفيق والدموع اللي كانت بتنزّل من كل واحد من الجمهور، الخشبة كان لهما رأي تاني، كنت سامع الخشبة بتقول له ما تخافش من الجاي، انت ما تخافش هو دور وكل واحد له وقته وحيطان المسرح مبسوفة بقالها كثير ما شافتش الناس مبسوفة، ولما خلصت العرض ومشيت وجيت هنا قعدت أفكر يعني إيه حلم ويعني إيه تتمسك بحلمك هو اشمعنا قرار يطلع ويقول الكلام دا؟ كان نفسي أعيط واضحك أفرح، أحزن، مش عارف كان في 100 إحساس بيخبط في بعضه، ساعتها سمعت واحد واقف لوحده بيقول هو يعني انا عايش؟ يعني إيه اكون حزين؟ وساعتها حسيت إنني باشوف الموقف دا لتاني مرة فافتكرت حياتي وانا باتفرج عليها وقعدت اسأل نفسي سؤال تاني إيه الغرض من إن الواحد يشوف حياته مرتين؟! مرة يتفرج عليها ويرجع يعيشها ويرجع يموت فيتفرج

عليها مرة ثانية ورجعت ثاني حاولت افكر إيه اللي حصل بعد كدا، هو انا
اتكلمت مع الولد دا ولا سكت وما قدرتش افكر وسمعت صوت الولد ثاني
بيقول ما حدش ليه بيجاوبني فرديت عليه وانت عايز تعرف يعني إيه الحياة
في عين مين؟ فسكت ثواني كان باصص لي وانا كنت باصص للنيل وفجأة.

- قال لي بصوت عالي بعين أي حد بس أفهم يعني إيه حياة. أفهم ازاي
أعيش. أفهم أنا عايز إيه وعايز أوصل لإيه، إيه اللي كان مفروض يحصل
وإيه اللي المفروض ما يحصلش!؟

- فضحكت ببساطة وقلت له اقعد هنا عايز أقول لك على حاجة، فيه
علماء وعباقرة وعظماء وحكماء كمان شافوها بعيون مختلفة وماحدش
فيهم فكر يوصف أكثر من اللي جاي بعده يعني مش معنى إنه يوصف يعني
مثلاً " المهاتما غاندي " لما سألوه عن الحياة رد وقال الحياة هي الحب..
الحب عند غاندي كان أساس كل شيء ليه طريق، اسمه الحب.. شريان
الدم اللي بيضخ الحياة في الناس حتي لما مات الناس بتفتكره بسلميته
ونقاؤه وساعاتها أطلقوا عليه " المهاتما " ومعنى المهاتما هو الأب الروحي..
لكن " دوستوفسكي " كان له رأي ثاني كان بيقول إنها الجحيم الغريب إن
" دوستوفسكي " كان من أكبر وأشهر الكتاب الروس ومع ذلك كانت
الشخصية اليائسة اللي جواه هي سبب نجاحه كانت كل أعماله فيها عمق
أدبي ولكن مع ذلك فهو من أشهر كتاب العالم ورواياته ترجمت لأكثر من
لغة ولكن الجحيم كان رأيه في الحياة.. أما " ماركس " قال إنها الفكرة ودا في
معظم الأوقات بيكون رأي الملحدن اللي زي " ماركس " لكن كان فيلسوف

عظيم وكان اقتصادي ممتاز وكان عايش معظم حياته يطور في علم الاجتماع وكمان كان مؤسس الحزب الشيوعي.. ولو سمعت رأي " جوبز " في معنى الحياة هيقول لك الإيمان، الإيمان بالحلم وإنه في يوم هيتحقق من مهندس لمخترع لرائد أعمال بس كان عنده إيمان بنفسه وب عقله وبكونه هيقدر يوصل لي بيحلم بيه.. كل الناس اللي انا كلمتك عنهم دول عملوا كل حاجة كانوا بيحلموا بيها وكان عندهم رأي وفضلوا يسعوا إليه للنهائية، الحياة في عين كل واحد غير الثاني كل واحد بيشوف الحياة تجاه حلمه وقد إيه بيتمنى وقد إيه عنده شغف لحلمه وعزيمته وإرادته.

- بص لي وسألني هو انت اسمك إيه؟ حسيت باللي في قلبه حسيت إنه عايز يكسر الحاجز ويتكلم.

- قُلت له اسمي العازف.

- رد وقال لي انت موسيقار؟

- قُلت له لأ وممكن ماعنديش وقت للكلام عن الأسامي.

- وقال لي إنه بيعحبها جدًّا وإنه بيعجي هنا عشان يشوف صورتها على النيل ما بيقدرش يقول لها إنه بيعحبها وفي يوم قدر يسألها هو يعني إيه حياة؟ كان ردها في رسالة ولكن هو سمع صوتها الحياة بالنسبالي هي كل حاجة وعكسها.. يعني هي الدموع اللي بتنزّل وقت التعسيف في البروفة.. هي الدموع اللي بتنزّل وقت فرحة السوكسيه.. هي الخناقة اللي مع ماما.. هي فرحة ماما وهي بتقول لي أنا فخورة بيك.. يعني المجهود الجبار اللي ممكن أعمله في أي حاجة وانا مبسوط.. ملخص الحياة بالنسبالي في آخر خمس

دقايق على المخدة في يوم متعب جداً قوي لما باحظ راسي على المخدة فتنام لوحدها ساعتها حسيت إني مستحيل أكون في حياتها مستحيل أوصل لقلها رفعت إيدي لفوق ناحية مركب عالية واقفة دايماً وقُلت له شايف المركب دي؟.

- أه!.

- فوق أعلى حته فيما هتلاقي بنت لابسة فستان شيك جداً بترقص مع راجل.

- صح

- ركز معاهم لحد لما تخلص الرقصة وقُل لي حاسس بإيه وساعتها قعدت أفكر في الأسئلة اللي ممكن يسألها بعد ما تخلص الرقصة كنت باحضر الإجابة وكنت قاعد متخيل عينيه اللي بعد لحظات هتشوف البنت دي حبيبته وهيشوف نفسه وهو بيرقص معاها وهيكون طاير في السما مش هيكون جنبي على الأرض وفجأة لقيته بيقول لي.

- هي ليه بعد ما خلصوا رقص جات وقفت على أول المركب وحسيت إنها بتبص علينا وضحكت ضحكة غريبة قوي جميلة مليانة بهجة وسعادة حسيت إنها بتوزع رياح سعيدة لما تضحك؟

- وليه ما تقولش إنها أخذت كل النسيم من الحياة؟ أصل حسيت في عينها عطاء وحنان، حسيت انها بتتملا الكون فرحة بابتسامتها قُل لي صحيح انت بتشوفها من زمن؟ يعني بتيجي هي وجوزها كل يوم؟.

- شوف هو اللي كان بيرقص معاها دا مش جوزها وهي أصلاً مش متجوزة هي بتشتغل في المكان دا رقاصة بس رقاصة مش زي الرقاصات اللي انت بتشوفهم دي رقاصة السعادة.

- ما حلمتش في مرة ترقص معاها؟.

- فجأة تهمت وفضلت ساكت كتير قوي رجعت لزمن في مرة كنت في المكان دا وقُمت وعلى وشي ابتساماة عريضة وقُلت لها تسمحي لي بالرقصة دي ضحكت جامد قوي وقالت لي ما انت عارف إني ما اقدرش أرفض قُلت لها لأ لو مش عايزة خلاص مسكت إيدي وحسيت ساعتها بإحساس غريب قوي سندريلا، حسيت إني ماسك إيد سندريلا وبترقص، كنت حاسس إنها سعيدة جداً كنت باصص في عينها وحاسس إني طائر، صدقت ساعتها إن كل راجل بتيجي واحدة تقنعه إن هو عايش وفضلنا نرقص وفي ثانية قالت لي إنها بتدور في كل راجل على إحساس وانها أول مرة تحس الإحساس دا معايا تهمت وخفت.. كنت خايف من عينها وبعدها بثواني حسيت إحساس الاكتمال الإحساس اللي كل راجل في الكون بيدور عليه حضنتها وقالت لي إنها أول مرة تعمل كدا وراحت وقفت على أول المركب كانت بتضحك نفس الضحكة اللي انت شُفتها دي واحنا بنتحرك واحنا نترقص كنت حاسس إن إحنا بنتحرك على أوتار وانت العازف ومن ساعتها وانا نسيت اسمي وبقيت العازف.

- وعزفت إيه؟

- كدرات الخوف والشغف عزفت دموعي واشتياقها عزفت إحساس اللي نفسه تحسه ثاني عزفت ضحكتها اللي كل يوم بتضحكها.

-
- وليه باين في صوتك الخوف؟
 - مرعوب من إيه؟ كل عازف بيسيب الريشة بيعرف إن نهايته قربت مش مستعد، لأ مش مستعد جدًّا، عارف لما باقعد أتكلم مع نفسي بافتكر لما كنت باتكلم معاه.
 - هو مين؟
 - ربنا، أيوة اتكلمت معاه كثير ومع الملائكة كنت باشتكي له وكان بيسمعني كان بيظمني وكانوا هم أصحابي.
 - وليه ما بقيتش تشتكي لهم طالما بدأت في الذنوب؟
 - بدأوا يبعدوا عني بس مش بيختفوا بيسمعوا شكواك بيحسوا بيك بيظمنوك ويبعدوا ويستنوك هم والأحباب دايماً، الضيق ما بين الضيق والذكر.
 - وبتذكر مين؟
 - الله وأحبابه، تعرف أنا ليّ أربعة وقت الضيق باناديهم سيدنا الحسن والحسين والسيدة والإمام علي ولما باقى فرحان باشكر المسيح يسوع بكل قلبي بترنيمات الكنيسة، بمجد الله اللي في كل دين وباسم كل ملة، الله موجود للإنسانية للمحبة وعشان كذا بنقول الله محبة، هو أصلاً ربنا زين الحياة بالمحبة زرع الحب وقدسسه، كل شيء قام على الحب، الحب كل شيء حلو بتفكر فيه وبتفكر تعمله من أجل الله، حب الله حلو.. تعرف إن آدم بيحب وإبليس برضه عاشق وبيحب كل الناس بتحب كل مخلوق اتخلق بالحب.
 - وتفتكر كل الناس عارفة يعني إيه حب؟

- مستحيل، لكن ياحبوا، مش كل الناس عارفة يعني إيه حياة ولكن كلهم عايشين ومبسوطين وبيدوروا على اللي يسعدهم في كل شيء، ويعني إيه حب؟ عارف إحساس إنك تكون واقف في حنة عالية ولا بس خفيف وتيجي رباح فجأة تخليك حاسس إنك سقعان ولكن مبسوط فتدمع عينيك بفرحة وترتعش بسعادة وتبص للقمر وتحس إن الكون نفسه بيضحك معاك وتفرح وتضحك بابتسامة غريبة قوي وتبقى على صورة حبيبك في كل شيء، انت تعرف السبع كواكب؟.

- سبع كواكب إيه؟

- كواكب الحب.

- يعني إيه؟.

- كواكب الحب هي سبع ستات مختلفين موجودين في الحياة كل واحدة فيهم رسمها الشاعر وكان العازف بيعرف كدرات أحلامها في كوكبها كل واحدة فيهم لها أحلامها اللي أكيد مش شبه حلم حد.

- وانت تعرف أحلامهم؟.

- عزفتها كلها، كنت باقعد بالساعات أسمعها.

- ينفع تقول لي السبع كواكب؟.

- أيوة موافق بس انت جاهز؟.. جاهز تحب؟.. نبدأ بأي كوكب؟

- أيوة جاهز.. اللي انت تحبه.

- نبدأ كوكب واحد.. من سمات كوكب واحد الحرية.



الكوكب الأول

- هو احنا هنفضل نجري زي المجانين كدا كتير؟
 - هو انت زهقت! وبعدين تعالى بس هاوديك مكان تحفة.
 - مجنونة وتجنني معاها.
 - إيه رأيك؟
 - إيه الحلو في كدا نفسي أفهم! صحرا مافهاش أي شيء وممكن يكون فيها تعابين أو حاجة ممكن تموتنا...
 - خايف؟
 - أكيد يعني دي صحرا.
 - بس عمرك ما خُفت من حاجة!
 - وليه ما تقوليش إني خايف عليك؟
 - لا ما تخافش علي... أقعد أقعد ولا اقول لك يلا ننام مافيش أحلى من النوم قدام السما.
- في صحراء أمام البحر في مدينة دهب، كانا يجلسان متحررين من عادات أيامهما التي تتبعها كل مكان في مدينة القاهرة، شخصان ولد وبنيت.. شهاب، وهو شاب في منتصف العمر أربعة وعشرين عامًا، محاسب، لم يكن ناجحًا في عمله، ولكن أيضًا كعادة كل الشباب لم يكن لديه الكثير

من الأحلام فكانت السعادة هي أهم أهدافه في الحياة لا يريد أكثر منها، نعم لا يفقه ما هي بحذافيرها ولكن كان يتمناها دائماً، لم يكن له سوى صديقين ولد و بنت صديقا الطفولة والعلم والشقاء، هي صديقة الحرية والجنان إيمان، وهي الصديقة الأبدية منذ تصادقا وهما لا يفارقان بعضهما البعض إيمان أيضاً في نفس العمر فكانت من المفاجآت السعيدة في صداقتهما أنه يكبر عنها بيوم واحد، ولكن كل ما كان يجمعهما الصداقة فقط ولكن لم يكن يرى ذلك سامح صديقه، وكانت صدفه صداقتهما من أنواع الصدف الطريفة فتعرفا في مكتبة وكل منهما يشتري كتاباً كانا يعيشان قراءة الكتب وكان كاتبه المفضل هو الدكتور مصطفى محمود، هذا الرجل صاحب الآراء الصادمة والكتابات المملوءة بالمصطلحات التي يصعب على الكثير من الشباب فهمها وهي كانت لا تعلم الكثير عن الكتب فكانت هي التجربة الأولى لها في القراءة وكان واضحاً جداً على وجهها ذلك وعيناها تطوف بين أسماء الكتب ولم تتمكن من اختيار شيء حتى أتى بجانبها وكان يمسك في يده كتاباً يسمى العنكبوت فقررت هي أن تلفت انتباهه حتى يساعدها في اختيار الكاتب والكتاب ولكن ترددت ثم عادت مرة أخرى في زيادة من المرح والثقة في النفس...

- العنكبوت كتاب رائع.

- ماشي شكراً.

فشعرت فجأة بأنها سخيفة جداً ويجب أن تصحح ما فعلته فقالت:

-
- شكلك اتضايقت أنا بس حبيت أساعدك.
 - وانا ما قلتش حاجة شكرًا على مساعدتكم.
 - أصل انا قرأت للكاتب دا، كل كتبه رائعة بجد.
 - وانا تقريبًا، وإيه بقى أكثر حاجة عجبتك ليه؟
 - والله!
- ثم سرحت في خجل ولم تتمكن من الرد فقالت له في مبالغة وضحك وخجل:
- مش فاكرة دلوقتي اسم الكتاب الصراحة.
 - طيب قرأت إيه؟ قولي لي أي حاجة!
 - والله بس هو انا قرأت له كتاب اسمه اللعنة.
 - بس هو الدكتور مصطفى محمود ما كتبش أي كتاب اسمه اللعنة وكمان الظاهر على حضرتك إنك ما تعرفيهوش أصلًا.
 - الصراحة بقى آه، أصلًا عمري ما قرأت أي حاجة زي دي أول مرة أجرب وثُبت في الأسمي وكننت محتاجة حد يساعدي.
 - وعشان كدا عملتِ الحواردا؟
 - أيوة.
 - طيب ما انا ممكن ما ارضاش أساعدك عشان انتِ كذبتِ عليّ؟
 - خلاص قشطة أمشي أنا، ممكن أخلي أي حد تاني يساعدي.

يصمتان وينظران إلى بعضهما ثم يتركها ويتحرك وتقف بمفردها تفكر فيما حدث ثم تقرر أن تشتري نفس كتابه وتخرج وتتمشى وهي تفتح الكتاب وفضولها يستحوذ على عقلها ولكن تقابل مشكلة في أول صفحتين في معاني بعض الكلمات لترى هذا الولد ثانيةً وتذهب لكي تتحدث معه مرة أخرى.

- ممكن لو سمحت؟
- نعم!
- ممكن أفهم إيه اللي بتقرأه دا؟
- يعني إيه؟
- أصل انا الصراحة مش فاهمة حاجة؟
- طب وانتِ مين قال لك تشتري الكتاب دا؟!
- هو ممكن أسألك عن حاجة؟
- تفضلي.
- هو ليه دمك ثقيل قوي كدا؟
- نعم!!
- أيوة ماعلش أصل انا مش باحب اخي اللي في قلبي الصراحة.
- طيب وانتِ عايزة إيه دلوقتي؟

-
- ياه على التقل مش عايزة حاجة يا سيدي أنا خلاص هاروح أرمي الكتاب دا في أي حتة واشتري حاجة أفهمها؟
 - أنا ممكن أفهمك اللي انتِ مش فاهماه..
 - لا والله مش فاضية.
 - نعم!
 - يا عم خلاص بقى بطل رخامة
 - على فكرة عيب انتِ ما تعرفينيش
 - إيه دا! زعلت طيب خلاص بقى يا...!
 - شهاب
 - آه ماشي يا عم شهاب تقيل قوي يا شهاب ما شاء الله
 - هو انتِ مش بتسكتي؟
 - زهقت؟
 - آه
 - طيب بص أنا يا سيدي أصلاً رغبة جداً وباحب الرغي؟
 - على العموم فرصة سعيدة
 - مش باين الصراحة
 - طيب أنا لازم أمشي دلوقتي عشان مستعجل.

-
- طيب ماشي لا إله إلا الله.
 - انتِ ازاي كدا؟
 - أنا! دا انا غلبانة...
 - رغبة على العموم دا رقمي كلمني؟
 - لا لا ماعلش مش هينفع أصل انا من عيلة محافظة إيه دا (010)
 - مش معايا رصيد
 - سلام وهاستني تليفونك.
 - إيه دا سرحت في إيه؟ إحنا جاين هنا عشان تسرح؟
 - افكرت أول مرة شُفتك فيها.
 - آه لما كنت رخم.
 - وليه ما تقوليش إنك كنت مجنونة؟ وانا كان من حقي استغرب؟
 - طيب فاكر أول مكاملة تليفون؟
 - يا لهوي على الضحك
 - فاكر؟
 - يسرحان فجأة ويتذكران:
 - إزاي يا أستاذ تخليني أشترى كتاب زي دا؟
 - إيه ما له؟

-
- مش فاهمة فيه حاجة.
 - طيب وإيه المشكلة؟
 - إني مش فاهمة؟
 - خلاص بالراحة بس وبعدين أنا هافهمك.
 - طيب أديني مستنية، فهمي.
 - طيب ما هو مش هينفع أفهمك الكتاب كله في التليفون على فكرة.
 - طيب اعمل إيه أنا دلوقتي؟
 - نتقابل ونقرأه مع بعض.
 - قشطة ماشي أنا بالبس ونازلة اهو..
 - نعم!
 - خلاص يا عم باهزر.. الله.
 - ماشي نتقابل بكرة.
 - فين وإمتي؟ والساعة كام؟
 - الساعة ثلاثة في أي مكان
 - ودا أركب له إيه من شبرا؟
 - أنا قُلت كدا برضه.
 - قُلت إيه؟

-
- إنك من شبرا.
 - إشمعني؟
 - عشان لسانك دا!
 - خلاص بقى أنا هاسكت، فين يا عم؟
 - وسط البلد حلو؟
 - ماشي.
 - ما تتأخريش.
 - أوك سلام بقى عشان البس.
 - سلام.

* * *

- يا لهوي أنا كنت مجنونة فعلاً.
- إيه دا انت لسا واخدة بالك؟
- تفتكرهتكرر تاني ونيجي هنا؟
- أكيد لأ أنا أصلاً خايف من أم الصحرا دي.
- مش باتكلم على الصحرا.
- عارف بس ليه لأ؟
- تفتكرهاعرف أقنعها إني أعمل كدا تاني؟

-
- أكيد آه أنا مش عارف أصلاً انتِ ليه بتتكلمي بطريقة الأطفال دي؟
 - عشان برضه إحنا مقيدين مش عندنا الحرية الكافية إننا نعمل كل حاجة احنا عايزينها..
 - وتفتكري هنفضل مقيدين على طول؟
 - مش عارفة.
 - مش يلا نقوم نرجع نقعد مع الناس.
 - على فكرة احنا مش هنرجع النهاردا..
 - نعم!!
 - احنا هنفضل هنا لحد ما نرجع القاهرة.
 - إشمعني؟
 - مش عارفة بس حاسة إني عايزة أفضل هنا؟
 - يعني هنفضل يومين هنا؟
 - أيوة.. هتزهقي مني؟!
 - أكيد لأ، بس بافكر ممكن نعمل إيه؟
 - أنا عاملة جدول مالكش دعوة..
 - إيه بقى هو؟
 - شوف يا سيدي الساعة دلوقتي 12 تمام؟

-
- تمام.
 - من 12 لـ 3 العصر هفضل ساكتين نبص حوالينا من غير ما نتكلم ممكن نفكر في أي حاجة احنا عايزين نفكر فيها بس بسكوت..
 - وبعد كدا؟
 - لأ لما نخلص هابقي أقول لك..
 - طيب يلا نبدأ من دلوقتي.
- ينظران إلى السماء كل منهما في صفاء ويسكتان ويدور في رأس كل منهما حياته، يحدث نفسه شهاب، هو ليه احنا بنعمل كدا؟ ليه قاعدين فوق جبل غريب ومش فاهمين ليه؟
- يمكن احنا هنا عشان نحاول نهرب من حياتنا، من عادتنا وتقاليدينا هو أنا إيه اللي باقوله دا؟ أحلى حاجة في إيمان دي جنونها باعشقه الصراحة، وكمان لابسة الفستان اللي انا باحبه عليها هو أصلاً اللون الأسود دا عليها ممتع، هي تقريباً كدا السما غيرانة منها شوف بتبص لها إزاي انا بيتهيأ لي أي راجل في الدنيا بيحسدني على النومة دي بس تفتكر ليه؟
- عشان معايا بنت جميلة ولوحدنا في صحرا مافهاش حد غيرنا تفتكر من قمة السعادة بيتهيأ لي؟ لأ كفاية إنها بتملا الجزء الناقص في حياتك تفتكر لمجرد وجودها كل رجل في الدنيا يبقى ناقصه حتة في قلبه هي إيه؟ مش عارفها، بس هو دايمًا بيعاني منها يبقى ناقصه الحتة دي عشان يحس ولو لثواني بالاكتمال النفسي ودا شيء صعب قوي يمكن تكون راحة

جسمها ساعات بتملاني بتخليني شبعان بس الحقيقة مش باحب إني أوصل للاكتمال هو إيه أصلاً الاكتمال دا؟ يعني إيه شخص كامل مش محتاج حاجة؟ دا إحساس شهواني قدر، وانا ما ينفعش أفكر فيه كدا بس اللي لازم أفكر فيه بجد يعني إيه اكتمال؟

* * *

هو انا ليه باعمل كدا؟ إيه اللي خلاني أجيبه هنا؟ ونقعد كدا هو أنا ليه حاسة بألف إحساس متناقض كلهم عكس بعض مافيش ولا واحد فيهم يشبه الثاني في أي حاجة؟ يمكن أكون جاية هنا عشان أدور على الحرية أصل أنا أكثر واحدة مدعية في الكون مدعية إني حرة وإني متحررة وإني باعرف اعمل كل اللي بيعجبني بس أصلاً أنا كذابة باحاول أعمل كل حاجة بس بارجع أفكر واخاف من كل حاجة من العادات والتقاليد.

ياه فاكرة اليوم اللي قررت فيه تقلعي الحجاب؟ كنتِ كإنك بتعملي جريمة وإن ما حدش ناوي يسامحك، الناس هتقول إيه وكان الإيمان والستارة هو إني أعطي شعري ما يعرفوش إن فيه كتير قوي مغطين شعرهم بس كاشفين حاجات تانية، كتير قوي برضه لسا ما عرفتش أنا جاية هنا ليه؟ ممكن أكون جاية أبتره مثلاً؟ ولا ممكن أكون باغريه بس مش واخدة بالي؟ ولا اكون باكذب على نفسي؟ أنا شكلي جاية أكمل اللي ناقصني ممكن أكون عايزاه هو اللي يغلط عشان أعمل كدا بس في الآخر الأقي شماعة أرمي عليها غلطي والومه واقول إني ما كنتش عايزة كدا.

أفكر إن الي بافكر فيه دا عبارة عن كدبة واني باضحك على نفسي بس لحد إمتي هافضل أعمل كدا؟ طالما أنا مقتنعة بالحرية واني مش باعمل حاجة غلط ما اعمل الي انا عايزاه ليه خايفة؟! أديني في مكان ما فيموش عادات وتقاليد وانا الي بابني عاداته وانا الي باصنع تقاليده وكلها هتكون على مزاجي وعلى قدي وكل الي فيها الحرية اللي باحلم بيها ليه بقى أخاف وافضل أكذب؟! من أول ثانية قابلته فيها وانا باكذب بس دلوقتي حرية حقيقية.

* * *

تنظر وتسرح عينها في عينه، فلأول مرة منذ تصادقا يتركان عينيما تتصلبان فهو يعلم جيداً أن من أصعب طرق الحوار هو حوار العينين الذي بمقتضاه تسبحان في ملكوت السماء الصافية ناظرتين السحاب التي تصطدم فتجعل الغيوم على السماء ولكن التحرر كان يملأ نظرات عينيهم فضحكت وما زالوا لا يتحدثون وبدأت الأسئلة تدور في عقولهم ويسألون أنفسهم عما يحدث؟ ومن سيتكلم حتى يفهم الآخر ماذا يريد؟

شهاب، أشعر بإحساس مرعب، يطوف حول قلبي ابتسامة غريبة تملأ جسدي ولكن عقلي السخيف هذا لا يأمر في بها ويتحدث بلغة تهديد خوفاً من الابتسامة ولكن قلبي ما زال مصراً على أن يكسر هذا الحد ويضحك.

إنني بداخل صراع لا أفهم معناه لأول مرة يدور ذلك ولكن مستحيل أن يكون هذا الإحساس كاذباً، وما بي؟ لم لا تريد أن تجيب علي؟ وماذا تريد أن تسمع؟ لماذا تمنع في من الابتسامة وتسيطر على جسدي؟ إنني خائف من

شيء ما ولكن ما الذي يستدعي الخوف الآن؟ أخاف أن تسيح في بحر لا تستطيع الخروج منه، بحر؟ نعم، في أعماق عينيها ستجد نفسك في ماء بحر عميق وليس باستطاعتك أن تسيح فيه بمفردك، ولكن أنا أستطيع السباحة، ولكن هذه السباحة ليست كمثلك سباحتك، إن سباحة العيون تحتاج إلى عشق متميز لأنها لا تحتاج إلى لياقتك البدنية القوية ولكن تحتاج إلى قلب جيد، لا أفهم شيئاً من هذا النقاش الذي لا يحدد إذا كنا أصدقاء أم لا، هو فقط يكسر حواجز القلب من العين، ولكن ماذا؟ لا ترى ما يتحول بداخلك، كف النظرات وقف عن هذا الصفاء.

ليس باستطاعتي أنا أتعامل معها بغيوم.

تكسر إيمان حاجز النقاش الذي يدور بين شهاب وعقله.

- مالك؟!

- مافيش.

تدمع عينيها وتبكي ويحضر عقلها الكثير من الأسئلة التي ما زالت لا تعرف إجابتها فلم تجد سوى البكاء حالاً لكي تسكت عقلها، ماذا يحدث؟ لم الحيرة هذه في عينه ماذا يقصد بها؟ إني أشتاق له حتى مع مشاعري شعرت أنني في السماء للحظات رأيت التحرر الذي كنت أشتاق إليه وتخليت عن كل أفكارى وعاداتي وأصبحت خالية سعيدة وشعرت أنني أستنشق وأن الهواء يُجري الدم في عروقي فرأيت نهراً رائعاً أمامه الكثير من الأشجار، مكان رائع ألوانه ليست كألوان السماء، سبعة ألوان، هواؤه يأتي بعزف كمان، فحركت عيني رأيت أهلها يضحكون لا يعرفون غير السعادة، هذا ما كنت

أراه على وجوههم شعرت وكأني أحتضن العالم وحين فتحت عيني رأيت نفسي أحتضن عينيه ووقف العمر لثوانٍ ولا يستطيع عقلي أن يعمل في التفكير أصبح تائمًا وشعرت فجأة أنني في مكان خالٍ لا يسمع صوتي أحد وأصرخ ولا أحد يجيب، عيني مملوءة بغيم أسود فارتفعت بصوت صريخي ولا يجيب أحد فشعرت أنني لم أصرخ من الأصل شعرت بأن صوتي محبوسٌ بداخلي وكأني داخل سجن له باب حديد كبير، مفتاحه مع رجل لا يفقه شيئًا في الدنيا سوى أنه سجن لا يسمع وأنا لا أستطيع فعل شيء سوى أن أصرخ حتى تملأ عمامات اللون الأسود قلبي وأفقه أنني وصلت لنهايتي وجلست حليفة اليأس وذهب صوتي من كثرة الصراخ فأنتى هذا السجن وعينه تنظر إليّ، لم أكن أملك أي شيء غير نظرات عين متشردة وما زال ينظر إليّ وهو صامت، فارتجفت من نظرات عينيه الصارمة فتبسّمت فشعرت بقليل من الأمل وفتح باب هذا السجن وذهب ولكن أصبحت لا أستطيع الخروج فأصبحت مشردة بين نظرات عينيه.

- كل دا كلام في قلبك؟
- أعمل إيه بقى، سيبني أعيط عشان ارتاح؟
- أنا مش هاعمل، دي حقيقة.
- عايز ترجع؟
- لو انتِ عايزة ترجعي بلا ترجع ما تجيبهاش فيّ أنا.
- مش عارفة بس أنا لورجعت هاحس بفشل.

-
- وإيه اللي انتِ عايزة تحقيقيه دلوقتي.
 - عايزة أكون معاك وعايزة أكون حرة.
 - انتِ معايا وانتِ حرة وجدًّا كمان.
 - مش حاسة.
 - ليه؟
 - تيجي نعمل مدينة ونعيش فيها يومين نحط فيها عادتنا وتقاليدنا اللي على مزاجنا اللي تخلينا مبسوطين؟
 - أنا هافضل دايمًا أقول لك إني معاكِ في أي حاجة؟
- تضحك ويمتلئ قلبها بالفرح عينها تصبح كفراشات السماء فتحتضنه، يطوف العالم بهما، سعادتهما تكسر كل الحواجز، كل امرأة في هذا الكون تريد هذا الرجل الذي يسلم لها نفسه يقدر حياته لسعادتها يفعل لها كل ما تريد لكي تسعد وتشعر بالأمان والدفء ما زال ينظر كل منهما إلى الآخر في صمت ثم يناما مرة أخرى وتضع إيمان رأسها على قلبه وتعانق جسده بيديها مبتسمة وهو يضع يديه على ظهرها.
- كل شيء في هذا المكان أصبح عبارة عن سماء تضحك وجو رائع وعمر خيرت وكتاباتته يرنوان بين الجبال لتزداد اكتمالاً ولهفة.
- ممكن اسألك سؤال؟
- اتفضلي؟ من غير ممكن؟
 - مبسوط؟

-
- آه جدًّا.
 - ليه بقى؟
 - عشان انتِ ميسوطة.
 - شهاب هو أنا ممكن أحضنك قوي؟
 - على فكرة انتِ حاضناني.
 - حاسِّاكِ شعبان؟
 - شعبان إيه بالضبط؟
 - مش عارفة بس جواك طاقة.
 - يمكن يكون كل رجل في الدنيا بيحتاج حضن زي دا بيبقى محتاج يكمل رجولته وهو حاسس إن فيه ست مستسلمة بين أحضانه ومش بتفكر غير في ازاي تستمتع بكل لحظة بتسكن جوَّاه. لحظات بتبقى أحبال وأوتار المشاعر واصلين لبعض فيها، بيبقى فيها كل شيء متصل.
 - دا اللي حاس بيه؟
 - تعرفي إن ريحتك حلوة قوي؟
 - بجد، على فكرة..
 - إيه؟
 - عمري ما حسيت براحة غير دلوقتي.
 - انتِ....

-
- استنى بس، هو ازاي حضنك دافي قوي كدا؟
 - والمفروض أنا أقول إيه دلوقتي؟
 - ما تقوليش احضني جامد قوي..
 - شايفة السماء بتبص لك ازاي غيرانة منك؟!
 - هو الأحلى إني كل ما هابص للسمما هافتكر حضنك.
 - وانا كل ما هاحس إني محتاجك هافتكر اليوم دا.
 - مش هتكون محتاج تفتكر.
 - هتكوني موجودة يعني؟
 - فاضية ومش ورايا حاجة.
 - حاسس إن الوقت واقف مش بيتحرك.
 - هو فيه ست غيري قالت لك إن حضنك دافي؟
 - لا، بس قالت لي إن بوستي حلوة.
 - الله طب اوعى بقى.
 - خلاص باهزر معاك، انتِ إيه مش بتهزري؟
 - طيب ممكن نقعد ساكتين شوية بقى؟
- ما زالا يحتضن بعضهما البعض لا أحد يتحدث ولكن عقولهم لا تقف ثانية واحدة.

هو انا ليه طماعة وأنانية كدا؟ هو ليه عمالة آخذ منه كل حاجة محتاجاها واعشمه إني هاكون جنبه دايمًا؟ ودا مش هيحصل إحنا متفقين من أول يوم إن احنا مش أكثر من أصحاب هو يا ترى لما يحتاجني وما يلاقينيش جنبه هيعمل إيه؟ هيكرهني صح؟ وكمان هيتعب على فكرة أنا أنانية ومش باعمل حاجة غلط ومش المفروض إن هو يضحي مقابل إن احنا أصحاب وبعدين مش هو اللي دايمًا يقول ليا أنا معاك ومش هاسيبك؟، دا تفكير أناني قوي وما فيش أي مبرر للأنانية دي أنا باقول إيه؟ أنا لازم أسكت واستمتع بكل لحظة ما فيش وقت للتفكير!

هو انا صح ولا غلط؟ هو اللي بيحصل دا بجد ولا انا باحلم؟ هي بجد غيرانة عليّ ومتضايقة إن كان فيه واحدة تانية موجودة في حياتي؟ أنا سعيد، أنا طائر، حاسس إني قاعد في السماء وبالكلم الملايكة.. هو دا معنى الاكتمال اللي كانت بتدور عليه؟ يعني سعادة عارمة ما فيهاش أي حزن بيتيأ لي أنا أقعد ساكت أحسن، أنا كدا اتأكدت إني سباح شاطر وقدرت أعوم وأديني اهو، هي في حضني، دايمًا البدايات الميرة بتبقى نهايتها ميرة برضه هتكون كلها سعادة هو ما سمعتش لما قالت إنها هتكون موجودة وانها فاضية؟، تقعد ساكت بقي.

- باقول لك إيه؟

- ما تقولش.

- ليه بقي؟

-
- مخاصمك ومش باكلمك.
 - دا كله عشان قُلت لك إنها قالت لي بوستك حلوة؟ طيب خلاص يا ستي هابوسك انتِ كمان..
 - لا، روح لها هيّ.
 - بس انتِ أحلى منها.
 - ماشي.
 - دا بجد انتِ أحلى واحدة في الدنيا.
 - تفتكر؟
 - أكيد.
 - طب على فكرة بقى أنا هابوسك.
 - دي غيرة يعني.
 - لأ هاشوف كلامها صح ولا لأ؟
 - قُلتِ لي، ودا هنصلحه في الدستور؟
 - أيوة بالضبط كدا.

يسكتان فجأة وينظر كل منهم للأخر في لهفة وما زالت العيون هي التي تتحدث فرأت في عينه أنه يبحث عن الحرية فنقل عينه فجأة وكانت السماء قد أصبحت صافية وقمة الלהفة التي تراها في عينه تجعلها تشعر بسعادة غير طبيعية، كل نساء العالم تتمنى هذه اللحظة، الشعور النفسي، تداعيم

السماء باتجاه أشعة الشمس. لا يسمع أصواتهم سوى ملائكة العشق يطوفون حول مجرات الحب كما الكواكب، أنقياء الأجساد يصنع عطرًا من ريحها الغيوم أصبحت في السماء لأنهم أخذوا كل الصفاء.

تمضي ساعات كثيرة وهما ما زالا يجلسان في أحضان بعضهما البعض لا يتحدثان ولا يفكران في شيء وهكذا انتهى النور وبدأ الظلام يأتي ولكن لم يتمكن الخوف من أن يصل إلى قلوبهما فهما مقتنعان أن عشقهما كافٍ لحمايتهما ولكن هذا لم يكن عشقًا مخلصًا فهذا عشق الاحتياج والتخلص من الأفعال التي تحس أرواحهم فهي تفعل كل ما تريد فعله كل فتاة.

هواء شديد بارد جدًا يأتي عليهما يجعلهما يشعران بالبرد ولكنهم سعداء ويبدأ يطير في فستانها المبهج في عينه فهو عاري الكتفين بداية في منتصف صدرها فيرى خطأ يشعر بأنه خط الحياة فدائمًا تنظر إلى بدايته وليس بإمكانك أن تصل لنهايته فدائمًا يغطيه القماش ولكن هو ممتع النظر إلى هذا الخط ونهاية هذا الفستان، تقف فوق ركبتيها يحتضنها بشدة وما زال الهواء البارد يحول يديه على وجهها وهي تبتسم بنقاء.

- ملخص كل الوقت دا إن احنا مبسوطين.
- جدًا تعرف إني ما عشتش يوم زي دا قبل كدا؟
- أنا....

تضع يدها على فمه لكي لا يكمل حديثه وتنظر في عينيه ثم يضع كل منهما يده في وسط الآخر ويبدأن في تبادل القبلات ولكن ما أروع هذه

القبيلات الصافية! من شواب الشهوة الكاذبة فهما يفعلان ذلك بزعم أنهما يريدان أن يكملا سعادتهما.

يبدأ هو في التخلص من ملابسه ثم هي ويسبحان بلا ملابس بلا عادات وبلا قيود كل ما هما فيه الآن يسمى التخلص من الحياة واحتضان الحرية المطلقة لا يشهد على ما هما فيه الآن سوى القمر الذي يرسل لهما شعاعًا ضعيفًا ليبرق لهما نورًا، الهواء البارد ما زال يخيّط في أجسادهما حتى انتهيا وألقيا أجسادهما مفتوحة الذراعين إلى السماء.

- تعرف.

- أعرف إيه؟

- أنا عايزة أنزل البحر.

- طب يلا.

يقوم ثم يحملها بين ذراعيه ويجري في اتجاه البحر وما زال القمر يتبعهما بأشعته ثم ينزل برأسه تحت الماء ويفكر.... يوجد شيء غير حقيقي فيما يحدث اليوم، إني أخاف أن أكون في حلمٍ وسأفتح عيني على حياة أخرى لم تكن هي موجودة بها وإن لم تكن موجودة وكل ذلك مجرد حلم فإن حلمًا عظيمًا جعلني سعيدًا لكنني أستمتع بكل اللحظات الآتية فالיום هو يوم فوزي بقلبيها.

أشعر وكأن هذا اليوم سنة أو أكثر أشعر وكأنه عمرٌ.... عمرٌ تملك زمام نفسي، لا يمكن لأحدٍ التدخل في حياتي ولو للحظة ولكن هل هو سعيد مثلي؟ هل يشعر بتلك الحرية العارمة؟

-
- كفاية كدا حلوة صفحة واحدة أحسن ما نيحي نعمل أكثر من كدا نبوظ اللي قبله وساعتها كل شيء ممتع هيبقى سخيف قوي ممكن الصبح نرجع مع الناس وبكرة هنمشي.
 - ساكتة ليه كدا؟
 - مافيش بفكر نرجع.
 - زهقتِ مني؟
 - لا خالص بس بكرة هنرجع ونقعد مع الناس.
 - هو احنا هنكمل بقية اليوم في البحر؟
 - أكيد لأ.
 - طيب يلا.
 - ممكن أقول لك شكرًا.
 - على إيه؟
 - على كل حاجة حصلت النهاردا.
 - على كدا أنا أقول لك مليون شكرًا، وبعدين إحنا ما ينفعش يكون في بيننا حاجة اسمها شكرًا أصلًا.
 - باعشق عيونك.
 - وبوستي؟
 - حلوة برضه..

- عارف لما هي جات حكيت لي عن هوس الجنس والمتعة اللي مستحيل أحسها تاني؟ ما كنتش مصدقة كنت باقول عليها كذابة ولما قالت لي إنها مش بتحس بأي حاجة منها استغربت أكثر ولما قالت لي إن اسمها موجود في قائمة المشطوبين من الحياة ما كنتش مصدقاها لأنني مش عارفة يعني إيه؟ بعدها كان نفسي أحس الإحساس دا ولو لثانية بس، كنت شايفة في عينها إنها بتتكلم عن آلة أو دموية وساعتها سألت نفسي سؤال هو ليه دايماً الرجالة اللي بتختار؟ ليه هو دايماً بيدور على الشريفة والعفيفة، القطة المغمضة زي ما بيقولوا عشان يدبجها هو وساعتها برضه مش بيبقى واثق فيها مية في المية مع العلم إن ماحدث لمسها قبله غير الداية اللي دبحت شعورها كإنسانة.

ليه ذكّرنا كل حاجة؟ ليه كل حاجة لازم يبقى عليه إمضاء ذكر؟ حتى جسمي؟ ليه أوجاعي وجروحي بسبب ذكر؟ ليه الذكورة بقت رمز العزة والعفة والأنوثة رمز العار؟ ليه حلال ليك وحرام عليّ؟ ليه مش من حق كل ست إنها تحس بمتعتهما؟ ليه دايماً بيدبجوا رغبتها على أعتاب أنوثتها؟ ليه دايماً هي اللي تقعد تشكي أيامها ومرارتها؟، الشهوة والمتعة من حقها تحسهم مش لازم احنا نغير، هو ليه أنا دايماً اللي بتسكتوها قبل ما تتكلم، عارف فيه مرة كتبت في ورقة إني أنثى وليّ رغبات جنسية زي كل المخلوقات، مش الست دي برضه اللي كنتو بتقدسوها وبتصوروها آلة قبل ما تفتكروا إن ربنا من الذكور بس السؤال هو لو مش ذكر ومش أنثى هتنادوه ولا

هتتكسفوا ولا هتخافوا لا العار يلاحقكم؟، كلكم كل معشر الذكور بيعبدوا
شيء مع الله وهو جسد النساء..

- كل دا شايلاه في قلبك!؟
- أه كان لازم أشيله واشيل كل الستاير السوداء اللي في حياتي ما
كنتش هاستنى اليوم اللي اتمنى إني أحس إني إنسانة.
- صدقيني انتِ عايشة ومش آلة.
- أفضني.

* * *

- وبعدين حصل إيه؟ سكتِ فجأة؟
- تفتكر ممكن يكون إيه اللي حصل؟
- مش عارفة، عشان كدا باقول لك كمل.
- هي البننت اللي فوق على المركب لسًا واقفة.
- أيوة.....ليه بتسأل؟
- عادي.....
- المهم كمل أكيد كانوا مبسوطين بعد كدا..
- إشمعنى.
- وصلوا لي هما عايزينه.
- تفتكر!

- أكيد.

بس هو مش وصل لأي حاجة من اللي هو عايزها هو لَسَّا شايف كل حاجة حصلت بعين وهي عملتها بعين تانية خالص، كانت عايزة تثبت نظريتها في كونها ست لها حق في كل شيء وهو كان عايزها هي بس، عجبته إحساس الاكتمال اللي كل راجل يتمناه.

تأتي على غفلة فتجعله عاشقًا يتحدث بصوت الدراويش مع الله وهو يمدح في أهل بيته تجعله يكتب الشعر كما يكتب، إذ أتت أمنية أتت الحياة. ولكن ماذا بعد فسوف تصبح أمنية؟

سأكمل لك ولكن ما سوف أحكيه الآن بعد مرور 5 سنوات من هذا اليوم الذي انتهى وهي في أحضانه.

* * *

"باريس"

مضى اليوم العام الخامس يا صديقي وأنا لا أعرف أين؟ ولم لا ترسل لي كما أرسل لك؟ أعلم يا صديقي أنك ما زلت تسأل نفسك لم ذهبت؟ أعلم أنك ما زلت جالساً تتذكر أيامنا فأنا أيضاً أتذكر هذه الأيام التي لا تغيب عن عيني إنني أشتاق إليك أشتاق إلى يوم أشعر فيه أنني أعيش في هذه الحياة ولكن الآن لا ألوم أحداً أنا من فعلت ذلك، أنا من قيدت نفسي كنت بريئة وحرّة بين يديك وأصبحت مسجونة بعد أن تركتك، في هذه المرة قررت أن أقول لك شيئاً مهماً وهو أنني سأعود بعد أيام قليلة وبدون زوجي فأنا سأعود لكي أراك يا رفيق الأيام الجميلة.

المرسل: إيمان مؤمن.

المرسل إليه: شهاب حسن

في غرفة بها سرير وولد صغير وشرفة كانت تجلس إيمان تحلم بأن يعود العمر وترجع إلى حياتها، تشعر الآن دائماً بالثقت لا تعلم إلى أين سوف تذهب؟ كانت تشعر وكأنها تقضي على أحلامه وأيامه، خسرت كل شيء كان يتمناه كان يبدو على صوته الخوف، تساءلت هي في هذا الوقت ما الذي يخيفه لهذه الدرجة؟ ولكن لم يكن يسمح الوقت بأن تتحدث معه أكثر من ذلك.

- ألو.
- ألويا إيمان.
- أنا عايزاك تسمعني وتفكر في اللي ها قوله لك دا.
- في إيه؟
- أنا مسافرة دلوقتي، أنا أسفة إني ما عرفتش أنفذ وعدي ممكن ما تزعلش مني وما تكرهنيش صدقني كدا أحسن ليك سلام وهتوحشني..
- وانت مين قال لك إن دا أحسن ليّ تكسريني وتسيبيني تايه وتقولي لي أحسن ليك؟ تسيبيني أصارع الأيام لوحدي وتقولي لي أحسن ليك؟ على العموم سلام.
- يا ترى هو بيشوف رسايلي ولا لأ؟ هيستناني ولا لأ؟ تبقى في حيرة ولكن تسأل نفسها سؤالاً:
- هو انا اتجوزت كدا ليه؟ وانا اللي كنت بادافع واقول إن لينا حق الاختيار؟ ليه اخترت اكون آلة؟ ليه اخترت اعمل كل حاجة وانا مش حاسة؟ عشان كدا الحد اللي باعمل معاه كدا تفتكر الأيام هي اللي فرضت عليّ؟ أكيد لأ هي كانت بتحاول تفرض عليّ حاجات كتير وانا دايمًا كنت باتحدى دايمًا كنت بافوز وأكيد أنا صح يمكن الأيام اللي فاتت باحن لكلمة حاضر يمكن نفسي أرجع تاني سنديلا أيامه!

* * *

- يبقى الاختيار كان غلط من الأول أصل هي قانون تسعى... توصل ما أصل الفرصة في الوقت دا بتتكسف وبتاخذ بالها إن كل التعب هيتحول

لسعادة كل الدموع هتتحول لميَّة بتغسل بيها وشك عشان تكمل في نجاحك،
السعي الحقيقي لازم تكون بتشاركك فيه...

- وأمنية؟
- أمنية هي السعادة، الابتسامة اللي بتملا الدنيا، لونها بلون السما بالليل، معناها خيوط الأمل.
- احكي لي عنها.
- تعرف السعادة؟
- مش قوي.
- عشان ما تعرفش أمنية؟
- هتحكي لي عنها!؟
- هاحكي لك بس لسَّا دورها ما جاش.
- هتحكي لي عن إية دلوقتي؟
- الكوكب الثاني.
- وإيه الجديد فيه؟
- كوكب وقي جدًّا بيظهر وبيختفي بسرعة بس في وسط دا بيبقى فيه تفاصيل كثيرة جدًّا.
- إزاي؟
- هاقول لك.



الكوكب الثاني

- أنا بهاء مهندس الصيانة اللي في الصالة بس بما إني موجود هنا فانا أعرف كل الناس اللي هتساعدني.
- بس أنا مش عايزة اتعب حضرتك يا باشمهندس.
- أول حاجة لازم تعرفها هي إن مافيش تعب ولا حاجة، تاني حاجة أنا اسمي بهاء بس من غير باشمهندس دي.
- أنا شمس.
- أهلاً بيك، المهم مش هاتأخر عليكِ..
- يذهب هو وتبدأ هي في مكالمة خطيبها اللي كان من المفترض أن يكون في انتظارها في المطار ومنذ أنت لم تره.
- ألو
- أيوة يا حبيبتي
- فين؟
- ماعلش أنا لسنا في الشغل حاولت استأذن عشان آجي استقبلك بس ما عرفتش، ماعلش يا حبيبتي غصب عني.
- يعني أنا دلوقتي جايبه حاجات كتير ومش عارفة أعمله إيه دلوقتي.
- ماعلش بقى خدي تاكسي لحد البيت مش انتِ كدا خلصتِ؟

- خلصت! أه خلصت.
- طيب يا حبيبي روجي وانا هابقى أكلمك لما افضى اتظمن عليك.
- ماشي سلام.

هو انا ليه كدبت عليه وقُلْت له إني خلصت؟ يمكن عشان زهقانة ومتضايقه إن هو ما جاش عشان يوصلني ماشي ما هو برضه بيقول إن عنده شغل مش عارف يستأذن ما عادي على فكرة وكان ممكن ما يرحش النهاردا ويقعد يستنى هو من إمتى أصلاً قعد من الشغل عشان يخرجني ولا يعملني أي حاجة؟! دائماً مشغول إيه الجديد يعني؟ ليه المرة دي بأسأل وبافكر ومتضايقه؟ عادي بقى زي كل مرة.. لا مش زي كل مرة إحنا خلاص هنتجوز ومش هينفع يفضل كدا يقطع تفكيرها بهاء.

- الشنطة لسًا ما وصلتش؟
- طب ما تعرفش هتيجي إمتى؟
- بكرة بالليل أو بعد بكرة الصبح.
- أوووف يعني أنا آجي إمتى؟
- لا انتِ مش هتيجي.
- إزاي!
- انتِ هتسيبي ليّ رقمك وانا هاكلمك لما تيجي.
- ما هو أصل كدا....

- ولا هتكوني تعبتيني ولا حاجة
- ومين قال لك بقى إني انا كنت هاقول كدا؟
- حسيت؟
- ماشي، أنا هاركب وامشي واستنى تليفون.
- وانت ازاي هتمشي بكل الشنط دي؟
- هاركب تاكسي من هنا يوصلني.
- تاكسي! لا طبعًا ما ينفعش أسيبك تركبي تاكسي لوحدك.
- نعم!!
- أيوة ما ينفعش احنا ولاد بلد وبنفهم في الأصول على فكرة.
- يا عم ما تقلقش.
- طيب يلا نركب الباص دا هيودينا الموقف.
- هو ما ينفعش أركب تاكس من هنا يعني؟
- هيفضل يلف بيك على الفاضي من هنا أحسن.
- وانتِ ليه ما حدش استناك؟
- أنا أصلاً ماليش حد في مصر كل أهلي في الأردن..
- يعني انتِ جاية تقعدني لوحدك في مصر؟!
- أيوة عندنا شقة هنا جاية أقعد فيها.

- طيب وحد يسيب الأردن وييجي هنا؟
- الأردن مش حلوة قوي كدا.
- أي حتة غير مصر حلوة.
- مش كدا بس ممكن عشان ما خرجتش براها..
- ممكن شكلك زهقتِ وعايزة تركبي.
- مش زهقتِ خالص والله بس انا مرهقة جدًّا..
- آه طبعًا، ألف سلامة عليكِ.

تركب التاكسي وتذهب ويقف وهو سعيد، يشعر أنه يحقق إنجازًا جديدًا، كل الرجال تحب مثل هذه العلاقات التي يبدأها بالشهامة ولكن ما زال عقله يسأل لماذا تأتي لكي تجلس بمفردها هذا أمر غير عادي فنحن نعلم جيدًا إنها لم تكن في أمان لكي يتركها أباهَا تعيش بمفردها ولكنها جميلة واسمها رائع.. "شمس"

* * *

هو ليه كذبت وليه ما قُلتلكش اني مخطوبة؟ واني رجعت عشان كدا؟ وليه لما طلب تليفوني وافقت على طول؟ وليه فضلت واقفة اتكلم معاه كل دا عشان ساعدني؟ ممكن.. بس على فكرة أنا لو كنت طلبت أي حد يساعدني كان هيساعدني بس الصراحة ضحكني، مش عارفة بس حاسة إنني ما عملتش حاجة غلط يقطع مرة أخرى تفكيرها التليفون.

- ألو..

- ألو مين؟
- مش وقت نعارف دا خالص طمنيبي عليك وصلت؟
- تعرف انك بتضحكني جدًّا؟
- طب كويس دي حاجة حلوة جدًّا، أيوة برضه وصلت؟
- آه داخلة على البيت أهو؟
- طيب سواق التاكسي دا ضايقك؟
- لا خالص.
- ماشي لما ترتاحي ابقِي كلميني.
- أولك، سلام.

* * *

تصعد على سلالم المنزل وتبدأ في شرود العين لا تستطيع الرجوع منه وتذهب فجأة الابتسامة من وجهها وترجع بذاكرتها ولكن ما زالت تصارع الأفكار، والذكريات لا تريد أن ترجع إلى الخلف، تقف أمام الباب وتبدأ بطرد ذكرياتها كل إنسان يطرد ماضيه ولكن من منا يستطيع التغلب عليه؟ ومن منا يقف ضعيفاً أمامه؟ ولكن الضعف للماضي من الممكن أن يذبح صاحبه، ومازالت تقاوم حتى تدخل، الآن أعود إليك أيها المنزل الحزين يا من أشعر أنني لا أستطيع الخلاص منك في كل مكان أراك أهرب بعيداً وأعود إليك أيها المنزل أشعر وكأنك مقبرتي، حين أذهب إلى أي مكان نهايتي آتي إلى هنا، هيا حدثني. وقل لي حين كنت بعيدة من كنت تجرح؟ لمن كنت تخبي

دموعًا ولمن كنت قاسيًا؟ أم ما زلت تخبئ كل ذلك لي أنا فقط؟ فأنا فقط من كانت ترى كل ذلك أكره حوائطك المملوءة بالدنس وذكرياتك المملوءة بالنجس أكره تلك الأيام التي سأعيشها معك والتي انتهت معك، لم يصفَ قلبي لك يومًا لم أشعر يومًا بداخلك أنني سعيدة، هيا هيا نجدد جرحنا أهما المنزل هيا لكي نطيح بهذا التراب من على غلاف هذا الكتاب ونقرأ مجددًا في سطورهِ وجع القلب، أمي إنني ما زلت أتذكرك إنني أشتاق لبسمة أشتاق لسمع صوتك هل انتهى سجنك يا أمي أم أصبحت حدة؟ كفا كفا أسمعها كفا! تسكت ويمضي الوقت بين سكونها وصمتها الماضي القدر كفى لعب بمشاعري كفاك خبطًا في أوتار ذاكرتي فإني لا أريد أن ودموع عينيها تتساقط ولكن لم تكن باستمرار حتى يكسر حاجزها هذا تليفونها...

- ألو..

- أيوة..

- وحشتيني على فكرة.

- وكمان يا بابا وحشتني.

- مال صوتك؟!

- مافيش إرهاب.

- طيب يا حبيبتي خلي بالك من نفسك.

- خطيبك وصل لك؟

- أيوة يا بابا ما تقلقش أنا كويسة.

-
- سلام.
 - الظاهر إن انا هابقي زيك كذابة ما باقولش الحقيقة أبدًا مش باعترف بدا كله مستخبي، كل حاجة مخفية بين أربع حيطان ما يعرفش عنهم حاجة. ثم يرن هاتفها مرة أخرى.
 - صحيت من النوم؟
 - أيوة
 - أنا بهاء.
 - عارفة.
 - طيب يلا بقى قومي البسي عشان عازمك على الغدا.
 - أنا الصراحة مش قادرة.
 - أكيد مش وحشك البيت قوي كدا وعايزة تقعدى لوحك.
 - بس كدا كتير.
 - مش كتير ولا حاجة صدقيني.
 - أوك.
 - انت فين بقى عشان آجي لك؟
 - الكوربة مصر الجديدة.
 - أوك.
 - نص ساعة هاكون جاهزة.
 - وانا نص ساعة هاكون عندك.

* * *

-
- بس مش غريب تكوني نازلة تقعدي لوحك في القاهرة؟!
 - حاسة إنك مستغرب الموضوع جدًّا.
 - أصل بادور على مبرر مش لآقي.
 - طب لو قُلت لك إني مخطوبة ونازلة أجهز نفسي عشان هاتجوز؟
 - وفين خطيبك وليه ما جاش يقابلك في المطار؟
 - عنده شغل.
 - نعم!!
 - مستغرب ليه باقول لك عنده شغل.
 - تفكري دا مبرر يعني؟
 - آه.
 - المفروض إن خطيبتي وحببتي راجعة من السفر ومن الطبيعي جدًّا إني أكون مستنهما!
 - لا إحنا عادي.
 - إزاي يعني دا مش طبيعي خالص ومش عادي.
 - صدقني طبيعي.
 - هو مش بيحبك؟
 - بيحبني؟ لأ، وممكن آه، مش عارفة ممكن وممكن بس مش عارفة كثير المهم إنه مش بيضايقني.

-
- تفتكري إنك كدا مبسوطه؟
 - مش عارفة برضه.
 - انت بتضحكي عليّ؟
 - واضحك عليك ليه؟
 - ما هو مش من الطبيعي إنك مش عارفة خطيبك بيحبك ولا لأ وانت مش مبسوطه معاه ولا لأ!
 - شوف أصل اللي بيدور على الحب دا حد عنده إنجازات في حياته حد ناجح وبيدور على الحب اللي يكمل النجاح دا أما هنا لأ، كل إنجازاتي في الدنيا إني لست عايشة..
 - انت فاهمة الحب غلط، الحب الاكتمال، الحب دا البداية، الحب هو أول خطوة في خطوات الحياة، الحب هو اللي بيعمل الطريق..
 - وساعات الحب هو اللي بيوصل لنهاية الدنيا هو اللي بيني كل حاجة حلوة هو اللي بيقطع آخر صفحات الحنان ويكتب صفحات الجرح والوجع ومش بس ليك لي حواليا كمان..
 - انت فشلت في الحب قبل كدا؟
 - ما جربتوش أصلاً.
 - ليه؟
 - تفتكرينفع أحكي لك؟

-
- وليه لأ؟!
 - عشان أصلاً مش طبيعي إن احنا نكون قاعدين مع بعض دلوقتي.
 - مين قال كدا؟ دا طبيعي جداً.
 - ليه بقى؟!
 - هاقول لك، ربنا بيبيع لك كل حد حد تاني يساعد في الوقت اللي هو محتاج يكون معاه حد.
 - ومين قال لك إني محتاجك؟!
 - ببيان في عينيكِ جداً.
 - ممكن تكون شايف حاجة أنا مش شايفها!
 - دا أكيد الناس مرايات.
 - و شايف إيه بقى يا مراية؟
 - شايف واحدة جواها سر وعينها مليانة كلام..
 - ومش عايزة اتكلم..
 - ليه خايفة؟
 - لازم أكون مرعوبة.
 - ليه؟
 - عشان هافتح قلبي اللي عمره ما فتحته.

- ممكن ما تندميش.
- وممكن اندم.
- كل ست بتدور على الأمان...
- وعشان كدا ربنا بعثني ليك.
- خايقة أقول لك إنك طوق النجاة.
- من إيه؟
- من الذكريات من الحب..
- مش فاهم!!
- وانا هافهمك.

يصمتان فجأة وعلى وجه كل منهما حيرة غريبة كل منهما عقله مشغول بما سوف يحدث فماذا سوف تحدثني؟ أشعروكأن ماضيها مزدحم بالأحداث ولكن أي ماضي هذا؟ فعيناها لا تدل على أكثر من أربعة وعشرين متى أصبح لها ماضي وكيف لا تعرف ما هو الحب؟ لماذا تريد طوق نجاة يخلصها منه؟ وكيف لا تعرف طريق النجاح؟ وهي قد مضت على منتصف عمرها؟ لماذا تنتظر؟ وما الذي تنتظره لكي تبدأ في محاربة الحياة؟ ومتى ستشعر بالسعادة؟

أليس من الطبيعي أن تقف مقيدة اليدين أمام أيامها؟ إن عينها تتلون بلون غريب تصبح كشاشة عرض أعلم ماذا سوف أرى فيها ولكن أشعر بفضول يصاحبه خوف أشعر أنني أصبحت مداناً أو واعدًا وعليّ أن أنفذ

ولكن لا أعلم كيف سأصبح طوق النجاة؟ وماذا سأفعل إن غصت معها؟
عن ماذا سنبحث؟ ولكن حيرة عينها تجعلني متشوقًا أن أعرف ماضيها
ولذلك أخاف أن لا أكون طوق النجاة.

* * *

لم أترك لساني يتحدث؟ لم أفتح هذه الأبواب المغلقة؟ لم أعد لذكريات
دونها الحياة في كتابي؟ إنني لست مجبرة على أن أتحدث ولكن أنا أريد أن
أتحدث الآن لا أعلم لماذا، ولكن أريد أن أبعثر ماضي عقلي، أشعر وكأنه
سوف يمحو من كتابي الكثير ولكن لم أحمله هذا الدين؟ لم أجعله مدائنًا،
يفرط في عقله الأفكار ويصعب عليه التحدي؟ التحدي الذي أبعد عنه وأنا
لا أفكر يوم في ملاقاته كل شخص كفى عليه أيامه ماذا سأفعل أتحدث أم لا
أبوح وأترك العنان أم أصنع سجنًا جديدًا.

يقطر تفكيرها وهو في شغف لكي يعلم ولكن يرسم الثقة على وجهه.

- كفاية تفكير في أقول أو لأ..
- أحلى حاجة إنك دايماً بتحاول توصل لي إنك فاهمني.
- وممكن أكون فاهمك فعلاً.
- ما اتوقعش، هو إيه نتيجة الجواز لو ما كانش عن حب؟
- الفشل..
- تتفتكر هو دا بس؟

-
- ما هو الفشل هنا معناه الطلاق وبكدا سيكون انتهى الجواز ورجعوا الاثنين أحرار من جديد...
 - تفكر عشان اتطلقوا يبقوا أحرار؟ فيه ناس متجوزين وأحرار جدًا.
 - أنا أقصد الحرية من قيد الجواز يعني ممكن كل حد فيهم يبدأ حياة جديدة ويكون بيعحب فيها.
 - طب تفكر إيه نهاية الحب اللي مش بينجح يعني الشخصين مش بيقدروا يتجوزوا أو مش بيقدروا يبعدوا عن بعض؟
 - الفشل برضه.
 - ليه فشل ما هما لسا مكملين مع بعض؟
 - بس لازم يكون فيه نهاية هو هيتجوز وهي برضه هتتجوز وساعتها بتكون النهاية وساعتها بيكونوا فشلوا.
 - وهما ما يقدروش يكملوا بعد كدا؟
 - أكيد لأن كل حد فيهم بقى ليه بيت وعيلة.
 - ولو كملوا؟
 - عاشقة.
 - أيوة باحب الدور دا جدًا شُفته وعشت جواه تقريبًا أعرف كل أحاسيسه ومشاعره، إنك مع كل همومك يبقى ليك مكان تكون سعيد فيه وفاضي ونقي كل حاجة في المكان دا مكتوب عليها انبساط سعادة بتكون

عريان مش من الهدوم من الهموم كل حاجة حرام ساعتها بتنسى مش
بتفتكر غير في ازاي تكون مبسوط وكل دا تحت شعار الحب.

- وانتِ ليه اخترتِ الدور دا؟

- اتفرض عليها.

- هي مين؟

- أستاذتي.

- وكانت عندها أولاد؟

- بنت.

- وبعدين إيه اللي حصل؟

- البنت دي كان عندها عشر سنين وابوها كان دايمًا مسافر فتحت
عينها على امها ست جميلة في نص الثلاثين كانت هي دايمًا الأستاذة لبنتها
كانت بتحكي لها كل يوم على الدنيا ساعتها كان الكلام صعب على البنت
الصغيرة بس كان بيفضل في دماغها كانت بتكلمها عن كل حاجة وكانت
بتقول لها إنها خايفة عليها جدًّا من الحب وفي يوم البنت قررت تسأل هو
يعني إيه الحب؟ وليه دايمًا بتقولي لي إنك خايفة عليّ منه! الحب هو
الإحساس اللي كلنا اتخلقنا بيه، قمة النقاء والعفة، بحر مليان عطاء، قمة
الديموقراطية والحرية الحب هو عطر يتعطر بيه الحبيب يخلق من جسد
حبيبه.

- وليه بتخافي عليّ منه؟ عشان الحب يعني مرض مش بيطلع من القلب غير بالموت ما بتقدرش تبطله ولا في يوم تقدر تستغنى عنه هو النفس اللي بيدخل يملا قلبك بالحياة ويخرج بلا يأس الحب قوة ولو غاب يببقى انكسار ما بتعرفش تقوى من بعده تاني.

- يعني أنا ما احبش!

- مش هتقدري.

- طب أحب؟.

- أخاف عليك من الحب.

- يوووه حيرتيني.

- العالم كان عايش بالحب، نشروا الأديان بالحب، الناس عرفت رهبا بالحب، من غير الحب ما كانش هيبقى فيه كون فهمت؟.

- يعني كلنا في الدنيا عشان نحب؟..

- وبعد خمس سنين جات البننت في يوم بتجري على أمها بتقولها ممكن تحكيالي عن الحب؟ ضحكت، الحب نهر يملا قلب حبيبه بالحرية ونظرات عينه طريق في نهايته سعادة بس في نفس الوقت كانت أم البننت مملوءة بالغيوم والحزن.. لم تكن تفهم البننت هذا ولكن كانت ترى أمها حزينة.

- ما بك يا أمي؟

- أشعر وكأني مقيدة يلتف حول يدي ورأسي سلسلة من الحديد لا أستطيع أن أبوح لا أستطيع أن أتنفس كما يتنفس الناس أصبحت على

خوف من القناع، لا أفقه كيف أتلون، أشعر وكأني ممزوجة بماء الكذب، أضحك في خداع حين يلمس جسدي، أشعر أنني أزني، ولكن هو من أزني معه، إحساس أنك تؤدي واجبًا إحساس مقزز، كانت صرختي صرخة ندم ولم تكن صرخة متعة وحتى أستطيع أن أكمل كنت أتذكرته هو وفي هذا الوقت شعرت ولأول مرة أنني أخونه، كنت سأموت إن لم أتحدث، فقررت أن أحكي لك أنني أحب رجلًا غير أبيك، لم نستطع أن نتزوج ولم نستطع أن نتفارق فأكملنا في غرفة سوداء داخل هذا المنزل، أملنا حوائطه بكلام عشقنا وأسرارنا فأصبحت هذه الحوائط شاهدة على حبنا، كانت صرختي عشق ومتعة لم أشعر أنني أزني معه والآن لا أعلم هل ما زلت مقيدة أم تحررت؟ هل أشتهي البكاء أم الابتسامة؟

- سكتِ ليه؟
- مستغربة إني ما باعيطش.
- وتعيطي ليه هو انتِ اللي غلطتِ؟
- يعني شايفها غلطانة؟
- مش عارف، طب وبعدين حصل إيه؟
- فضلت تسأل نفسها كتير قوي هي صح ولا غلط؟ وفي مرة قررت إنها تسأله هي لو قررت تنفصل هيتجوزها ولا لأ؟ وتقريبًا كان هو كمان عجبه الدور ساعتين كلهم ضحك وسعادة ومتعة وجنس ليه بقى يوجع دماغه بأكثر من كذا فقال لها إن مشاكل الجواز هتخليهم يزهقوا من بعض ومش

بعيد يكرهوا بعض فضلت ساعتها تايمة ومش عارفة تعمل إيه وكانت قاعدة تفكر تبعد عنه؟ صعب صح؟ تقول لجوزها دا؟ لا المغامرة ما بقاش فيها جديد. بقت كلها ملل وفي الوقت دا كتبت أهم ورقتين في حياتها ورقة لجوزها والثانية لي هي عايشة دي، مشيت واختفت وسابت الورقة وقالت لي إنها هتروح تدور على مكان تحس فيه إنها مش محبوسة وقعدت أيام كتير قوي في البيت دا لوحدي، خايفة أحكي لنفسي إن مافيش أمي تاني.. أستاذتي تقريباً انتهت ومن ساعتها وانا كرهت الحب وسافرت وعشت عشان لازم أعيش ما قدرتش أدي الورقة لابويا من ساعتها وانا حاسة إني شايلة حمل مش قادرة عليه.

- الحب؟

- لعنة..

- صدق..

- خوف..

- إيمان..

- انكسار..

- قوة..

- جبن..

- إخلاص..

- دموع..

-
- وسعادة..
 - وانا عمري ما حسستها إني جبانة باخاف من كل حاجة باخاف من بكرة ومن دلوقتي باخاف أحب وباخاف أتحب باخاف أصحاب باخاف أفكر باخاف أحلم باخاف أصدق إن فيه أي حاجة، أنا كدا كويسة عايشة ومستنية كل حاجة تحصل لما الدنيا تبقى عايزة تحصل مش مستعدة أخسر أي حاجة ومش عايزة أكسب حاجة.
 - بس انت محتاجة حاجات كتير..
 - زي إيه؟
 - محتاجة حنية ومحتاجة سند محتاجة تتبسطي وتفرحي محتاجة تحسي إنك عايشة.
 - مش باقول لك إنك دايمًا بتضحكني.
 - ليه بتقولي كدا؟
 - عشان أكيد مش هاقدر أحس إني عايشة وانا مليانة أسرار وكلام مستخفي.
 - يقطع نقاشهما صوت الهاتف..
 - ثواني، ألو..
 - أيوة يا حبيبتي.
 - نعم!

-
- صحيت؟
 - يווه ونزلت أجيب حاجات.
 - طيب.
 - لما اروح هاكلك تمام؟
 - تمام.
 - إحنا لازم نمشي عشان شوية وهيكلمني تاني.
 - أوك.

يتحركان وكل منهما في ملكوت غير الثاني ولكن يتواعدان على أن يتقابلا مرة أخرى ويفترقا وكل منهما في ملكوت آخر كل منهما عقله يسأله لم فعل ذلك؟ وكيف سيكملون؟ لم أصبحت كتابًا مفتوحًا أمامه؟ من الصعب على أي إنسان أن يشعر أن شخصًا آخرًا يقطع في صفحات ذكرياته، كل شخص منا له دراما خاصة، يأتي وقت لم يكن باستطاعته أن يكمل حياته وهي خافية وحين يقول لها يشعر أنه ضعيف ماذا سوف يحدث بعد ذلك؟ كان هذا السؤال الذي يسأله لنفسه، أصبح يشعر أنه مسؤول أن يجعلها سعيدة يبني لها حياة جديدة غير تلك المملوءة بأهات فراق ووجع، كيف ستشعر أنها فتاة وهي ترى كل ما حولها بأعين الحسرة ماذا سأفعل الآن؟ كيف سوف أصبح الشخص الذي ينجيها من هذا الخراب النفسي؟ الآن أصبحت في التجربة الحقيقية ولكن لم سأفعل ذلك فهي لم تكن شيئاً لي، هي مخطوبة وأيام كما تقول وسوف تصبح زوجته ماذا سأفعل أنا في هذا

الوقت! سأعود أجلس في المطار أنتظر طائرة أخرى علي الأقي فتاة ثانية، ما هذا الإحساس البشع؟ كيف أنظر لنفسي هكذا؟ ولماذا أحدث نفس بهذه الطريقة؟ وكأنني أسخر من نفسي! إن صوتها ما زال يعلو في أذني ما زلت أرى عينها تتأوه أمام نبرة صوتها المتغيرة بين القوة والضعف والاحتياج ولكن من حقي أيضًا أن أسأل نفسي لماذا أفعل ذلك ولكن أنا من قلت أن الله وضعني في طريقها لأنها تحتاجني ومن المؤكد أيضًا أنني أحتاجها أحتاج أن أملأ هذه الأيام الفارغة المملوءة بالكاذيب تسمى أصدقاء، أشعر أنها لن تكمل هذه الخطبة إن استطعت أنا أن أدخل حياتها.

ما هذا التفكير البشع؟! أصبحت أريد أن أسرق فتاة؟! ما هذه الحيرة! لماذا حكمت لي عن كل هذه الذكريات؟ لم أطلق عنان لسانها وقلبيها؟ سوف أكمل في مساعدتها إلى النهاية وأعلم جيدًا أنني سأفوز بها وبقليها، لم أنا متمسك بهذه الفتاة؟ ألم أسمع ما قالته عن أمها؟ ألم أخف أن تكون مثلها تقابل أحدًا وتحبه وتصبح حقيقة؟

إن الحب حين يدق أبواب القلب لا ينتظر إجابة، يدخل مباشرة ولكن هي لم تفعل ذلك إنها تبحث كيف تقطع هذه الأوراق ولم يكن من الممكن أن تريد تسطير غيرها.
لن أتركها وسأكمل.

* * *

- على فكرة اللي انا عملته دا غلط بس ليه غلط؟ أكثر حاجة كنت خايفة منها هي الكلام دقيقة، ليه هاقعد مع نفسي فيهم دول؟ ل 100 إحساس ليه غير بعض؟، ليه هيفضلوا تابعيني والسؤال اللي محيرني مش عارفة إجابته هو انا صح ولا غلط؟

ليه قُلت له؟ ليه فتحت قلبي بالشكل دا؟ يمكن يكون حقيقي إني ارتحت لما شُفته، عجبيني وعجبتني كمان ثقته في نفسه، اهتمامه الغير مبرر، يمكن يكون شيء جديد عليّ، بس حلو، بس أكيد مش هاخون، أكيد مش هاعمل زيه، يمكن حكيت عشان أثبت له نفسي كدا، حاسة إن ضعفي أكبر دلوقتي، حاسة إني محتاجة استخبي ماحدش يشوفني، حاسة إني مفضوحة وكل الناس عارفة حكايتي، لازم اختفي، لازم ما اشفهوش تاني، لازم يفضل سري جوايا أنا بس، مش لازم أبص في وش حد أحس إنه عارفيني، إحساس مريب بس هو إيه في حياتي مش مريب كل حاجة جبانة، ببسألني على السعادة خُفت لما حسيت إني ممكن أحسها معه وخُفت لما حسيت إنه بدأ يفهمني ويحس بيّ، على العموم خلاص هو انتهى تقريباً، هي علمتني الهروب، بقى أسهل حاجة هي إني أهرب، بس يا ترى الهروب هيفضل حمل دائماً ولا هاجي في مرة مش هاعرف أهرب وساعتها مش عارفة ممكن أعمل إيه.

- وهي بجد هتختفي من حياته.

- هي اختفت بالفعل.

- ليه؟

- الجبن والضعف بيبيتي حيرة وتوهان ويببقى حلهم دائماً هو الهروب.

-
- وأمنية قوية؟
 - أضعف قوية في الدنيا.
 - إزاي يعني؟
 - ضعيفة جداً بس لما تبص في عينها تشوف حاجات ما تتخيلهاش ممكن تتحدى وهي عارفة إنها غلطانة بس ما تحسش إنها ضعيفة.
 - وهو جه دورها.
 - لأ لسا.
 - خلتنى بقى نفسي أشوفها.
 - نفسك في إيه؟
 - أطول السما.
 - هي السما هي الصفا هي في صباح كل يوم ومساؤه هي المزيكا اللي بتبسمك وبتطيرك من على الأرض.
 - هي...
 - أمنية.
 - إمتى هبيجي الدور؟
 - لما توصل..
 - لفين؟
 - مش عارف.

-
- هي ليه صعوبة كدا؟
 - كل حاجة حلوة لازم تبقى صعبة.
 - طب والكوكب التالت؟
 - غريب بس ممتع.
 - إزاي.
 - هاحكي لك.



الكوكب الثالث

في مساء يوم في نهاية شهر أغسطس يجلسون، يتحدثون عما يحدث بعد سارة وآية صداقة في عين المجتمع المصري غريبة. سارة أربعة وثلاثون عامًا مطلقة، تكره هذا اللقب ولكنها مؤمنة بتحررها تشعر دائمًا أنها صاحبة قدرات سليمة تبحث دائمًا عن شيء غير ذلك الحياة المملة المملوءة بأقاويل كاذبة كالعانس ومطلقة لم يكن الرجل هو اللقب الذي تريد تسمية نفسها على اسمه.

تزوجت كما تزوج الكثير من البنات في مدينتنا وفي هذا الوقت كانت في عامها التاسع عشر وحاولت أن تعيش مع هذا الوضع ولكن فارق السن كان أكبر مساند لها في قرار الانفصال وبعد ذلك قررت التعود والبعد عن هذا الجنس الممل الذي يطفو على حياء المرأة بقيوده الغريبة التي لا تعلم من أين أخذ الحق فيها ولم يضع دستور غير الدستور المعترف عليه قيودًا وسلاسل يبدأ في صناعتها أول يوم يبدأ في حياته لكي يلفها حول رأس وعقل وقلب أنثى.

والثانية فتاة في السادس والعشرين من عمرها تعيش مع أمها مفتقدة أشياء كثيرة مثل الأب الذي ذهب وأمها تحمل بها ولم يعد ولم يسأل يومًا عنها مما جعلها تشعر بالنقص الذي لا تحلم كيف تعود ولا تحمل معاناة كثيرة في هذه الحياة فلم تر في يوم أمها تبتسم من حنان رجل أو غيرته

فأصبح الأمر إن لم يكن للرجال دور كبير في حياتها ولكن بدأت في تغيير هذا الرأي حين صدقت هذا الولد الغريب الطبع صاحب القرارات الديمقراطية الراضية بالنسبة لها، متفاهم ومستمع رائع يسمع كل شيء ويناقشها بكل تحرر، يعلم جيداً آمالها من حقوق وواجبات يسعى دائماً لإرضائها، تراها في بعض الأحيان يدخل قلبها يتحدث مع كل ما يدور بداخل عقلها دون أن تتحدث، تشعر عندما يأتي أنها أصبحت تعيش فهو من عرفها على هذه الفتاة وأصبحت صديقين واليوم هو يوم المناقشة..

* * *

التاسعة مساءً في شقة في روكسي تعيش بها سارة ومعها آية ملقاتين على الأرض متحدرتين من كل ما يدور حولهما تشربان خمراً مما يجعلهما سعداء، هذا ما يقولونه لأنفسهما لكي تشربا.

- سارة.....

- انتِ نسيتِ عايذة تقولي إيه؟

- لا فاكرة فاكرة.

- طب ما تقولي.

- هو انتِ نمتِ معه؟

- لا... هو انتِ ليه بتسألني السؤال دا؟

- ما اعرفش...؟

- بتحبيه...؟

-
- تفتكري؟
 - هو انتِ مش عارفة انتِ بتحبيه ولا لأ؟
 - يعني انتِ عارفة بتحبيه ولا لأ؟
 - تضحكان بصوت عالٍ لفترة طويلة ثم تسكتان فجأة تنظر كل واحدة إلى الأخرى في حيرة وتوهان.
 - هو يعني إيه حب؟
 - انتِ الكبيرة...
 - مش باهزر دلوقتي.
 - ما اعرفش.... ما حسيتوش وما شفتوش.
 - أُمال انتِ بتحسي معه بإيه؟
 - إحساس مرعب، يخوف.. ساعات باحس إني مريضة وهو الدكتور وساعات تانية باحس إني تايهة وهو اللي بيوجهني وباحس إني مستسلمة وساعات تانية باحس إن صوتي عالي وباصرخ فبارتاح وساعات باسكت وباحس إني متكثفة وساعات لما بابص في عينيه باسرح مش عارفة ساعات مش بابقى مصدقة نفسي وحاسة إني كاذبة ولما ابص واركنز بالاتي نفسي مش باكدب غير على نفسي فباسكت وبتأكد ساعتها إني مش عارفة.
 - خايفة؟
 - من إيه؟

-
- لتكوني بتحبيه وانت مش عارفة.
 - عبيطة يعني؟
 - دا خوف وتوهان مش عبط.
 - على فكرة أنا دايمًا باخاف، دايمًا مرعوبة.
 - ووصلت لإيه؟
 - للوحش.
 - الظاهر إنك اتسطلت؟
 - لا خالص أنا كويسة جدًّا.
 - بس هو جميل برضه يتحب؟
 - عارفة كانت بتقول لي إن هو برضه كان جميل ويتحب؟
 - كانت مبسوفة؟
 - وبقت أكثر واحدة زعلانة في الدنيا؟
 - ليه؟
 - ما هو أصله ساها ومشى؟
 - بس أكيد مش قادرة تنساه.
 - ولا قادرة تفتكره..
 - يعني أنتِ بجد خايفة؟

-
- قُلْتُ لَكَ إِنِّي دَائِمًا خَائِفَةٌ.
 - مِنْ إِيَّاهُ؟
 - خَائِفَةٌ أَقْفُ فِي يَوْمِ تَأْمِينَةِ زَيْهَا بِأَبْصَرٍ لِلْمَرَايَةِ وَسَنِينَ عَمْرِي بِتَجْرِي وَبِأَفْتَكِرَ أَيُّ كَلِمَةٍ كَانَ يَقُولُهَا عِشَانُ أَضْحَكَ وَيَارِيئَهَا بِتَكُونُ مِنْ قَلْبِي، بِأَضْحَكَ ضَحْكَةً بِهَتَانَةٍ تَحْسَسُنِي وَلَوْ ثَانِيَةً وَاحِدَةً إِنِّي سَتُّ وَالْأَيَّامُ تَأْخُذُنِي وَادْوَرُّ فِي تَسْعِينَ مَتَاهَةً حَتَّى مَشَّ هَابَقَى عَارِفَةٌ اسْمِي إِيَّاهُ؟ مَطْلَقَةٌ؟ وَلَا مَتَجَوِّزَةٌ؟ هَابَقَى بِأَنْتَهِي بِالْبَطِيءِ.
 - بَسْ هُوَ مَشَّ زَيْه!
 - مِينُ قَالَ لَكَ... مَا هُوَ لَوْ مَا كَانَتْ حَلْوَى قَوِي بِرَضِهِ مَا كُنْتُشْ اسْتَسَلَمْتُ وَحَبِيئَتَهُ قَوِي كَدَا.
 - يَعْنِي أَنْتِ عَارِفَةٌ يَعْنِي إِيَّاهُ حُبٌّ؟
 - خَوْفٌ وَضَعْفٌ وَأَمَلٌ كَاذِبٌ وَأَحْلَامٌ عَمْرُهَا مَا هَتْتَحَقَّقُ بِأَخْتِصَارِ كَدَا هُوَ شَوِيَّةٌ شَهْوَةٌ حَبْوًا يَخْلُوا شَكْلَهَا حَلْوَى سَمُوهَا حُبٌّ.
 - بِبِيقَى شَيْءٍ مَقْرَفٌ قَوِي لَمَّا يَبْجِي يَحْرُكُ إِيدِيَهُ عَلَى جِسْمِكَ وَلَا يَبُوسَكَ دَا بَسْ عِشَانُ أَنْتِ مَا كُنْتِيْشْ بِتَحْبِيئِهِ.
 - عَارِفَةٌ، كُنْتُ بِأَقْفُ أَكْلَمُ نَفْسِي بِالسَّاعَاتِ قَدَامَ الْمَرَايَاتِ.
 - وَكُنْتُ بِتَقُولِي إِيَّاهُ؟
 - يَا هَذَا كَلَامٌ كَثِيرٌ قَوِي.

- زي إيه؟

- تنظر إليها وتملأ عينها الدموع، يبدأ الصراع، صراع صفحات الماضي التي لا تغلق ولكن تبقى دائماً نخفي عيننا عنهم حتى لا نتذكر من الممكن أن يجد تجربتنا جعلنا نشعر باليأس وترسم في عيننا صورة لأشياء لم نتوقع أنها سوف تأتي ولكن أصبحنا لا نستطيع أن نغيرها كل منا يصنع غلافاً لنفسه ويضع قوانين كل الناس تنظر إليه فيرون ما يريد أن يروا هم، أما بالداخل تسود عليه القوانين التي رُسمت بيده ويبقى دائماً داخل هذه الرسمة يبحث عن نفسه ومع ذلك لم يُرد أن يغير هذه الصورة كل منا يأتي عليه وقت ويشعر بالعجز، لا يستطيع أن يكسر الحدود ويقول ما يدري لا يستطيع أن يشكو ما في قلبه لا يتمنى أن يصرخ ويبقى داخله، ينظر كل يوم إلى امرأة سليمة الزواج ولكن مشروخة الشخصية معدومة الأمل وتبقى عيونها مكسورة لا تتمكن أن تصيب وليس لها قوة التحدي فتهرب بعينها ونظراتها منها ولكن لم تستطع عين أية أن تراقبها، تبحث بداخلها عن الوجد ولكن ما زالت تقوم حتى سقطت أسيرة الوجد، تنظر إليها في غضب غريب وعينها مملوءة بقوة عجيبة.

- عايزة تعرفي إيه؟ عايزة تعرفي لما كانت باتمنى أحس ثانية إني ست وإني لي حق أعيش؟ عارفة لما واحد حياته غير حياتك يبقى هو اللي في إيدته حياتك انت مجرد عروسة ماريونيت يحركك ويقول من على لسانك كل شيء ولما تحبي تصرخي وتقولي لا، يبقى مش من حقلك، كل اللي من حقلك إنك تقفي قدام مراية فيها صورة سودة وواحدة مكسورة وجيت في مرة

وَقُلْتُ لِنَفْسِي بِرَافُو أَنْتِ صَامِدَةٌ، أَنْتِ قَادِرَةٌ تَكُونِي آلَهُ شَاطِرَةٌ عَارِفَةٌ تَمَوِّتِي
مِشَاعِرَكَ كَوَيْسٍ، عَارِفَةٌ تَلْفِي الْحَبْلَ حَوَالَيْنِ رَقَبَتِكَ وَمِشَ صَعْبَانَ عَلَيْكَ
نَفْسِكَ، تَصْرُخُ وَتَبْقَى وَاقِفَةً قَدَامَ مَرَايَتِهَا تَنْظُرُ إِلَى نَفْسِهَا مِنْ جَدِيدٍ. أَصْعَبُ
مَا يَمُرُّ عَلَى الْمَرْأَةِ هُوَ إِحْسَاسُ أَنَّهَا مَكْسُورَةٌ وَضَعِيفَةٌ تَتَمَنَّى فِي هَذَا الْوَقْتِ
الْمَوْتَ، طَبِيعَتُهَا تَتَغَلَّبُ عَلَيْهَا لِتَخْتَفِيَ الْقُوَّةَ الَّتِي كَانَتْ تَتَظَاهَرُ بِهَا مِنْذُ ثَوَانٍ،
وَتَتَلَوْنَ عَيْنُهَا بِلَوْنِ الدَّمْعِ، حِينَ تَكْرَهُ الْمَرْأَةُ الرَّجُلَ يَبْدَأُ تَحُوطُ قَلْبِهَا بِغِلَافٍ
أَسْوَدَ يَجْعَلُهَا تَتَمَنَّى مَوْتَهُ، لَيْسَ بِإِمْكَانِ امْرَأَةِ الْمَسَامِحَةَ فِي جَسَدِهَا، أَوْ قَلْبِهَا،
فَقَلْبِهَا هَذَا هُوَ قِطْعَةٌ الْمَاسَةِ الَّتِي تَزِينُهَا كُلَّ يَوْمٍ وَتَطْمَئِنُّ عَلَى حَارِسَتِهِ فَكُلُّ
أَنْثَى عِبَارَةٌ عَنِ الْقَلْبِ إِذَا اسْتَطَعَتْ أَنْ تَمْتَلِكَهُ اسْتَطَعَتْ أَنْ تَفُوزَ بِسَعَادَةٍ
سَتَبْقَى دَائِمًا حَتَّى الْخِلَاصِ فِيهِ خَلَقْتَ مِنْ وَرِيدِ الْهِنَا.

فِي التَّاسِعَةِ صَبَاحًا تَعْلُو صَوْتَ رَنَّةِ تَلِيفُونِهَا لَمْ تَكُنْ تَسْمَعُ آيَةَ حَتَّى تَفِيقَ
لِكِي تَرَاهُ هُوَ مِنْ يَكْلِمِهَا.

- أَلُو.....
- أَنَا بِاَكْلَمِكَ مِنْ بَدْرِي لِيهِ مِشَ بِتَرْدِي.
- مَا عِلْمُكَ كَانَتْ نَائِمَةٌ وَمِشَ قَادِرَةٌ.
- طَيِّبِ أَنْتِ فَيَنْ بِقَالِكَ يَوْمِينَ.
- بِأَمَارَةٍ إِنِّي بِاَكْلَمِكَ وَأَنْتِ مَا بِتَرْدِشِ.
- أَيُّوَةٌ غَيْرِي الْمَوْضُوعِ بَقَى.
- اسْتَنِي ثَوَانِي أَفْتَحِ الْبَابَ.

وتتحرك من على سريرها لكي تفتح باب الشقة وترى رجلاً في الخمسين من العمر يقف أمامها مبتسماً يلبس بدلة سوداء أنيقة جداً عيناه صافية النظرات.

- مين حضرتك؟
- أنا خالد محروس.
- أهلاً بيك... اتفضل.
- لو سمحتِ عايز أقعد معاكِ شوية ممكن.
- معايا انا ماعلش ممكن أعرف بخصوص إيه أنا ما اعرفش حضرتك أصلاً.
- ممكن ادخل ولما نقعد ونتكلم هتعرفي كل حاجة.
- اتفضل.
- ألو أيوة يا محمد ثواني هاكلمك تاني.. سلام.
- حضرتك تشرب إيه؟
- قهوة مطبوطة.
- ثواني هاعملها لك.
- مين دا؟ وعايز إيه؟ وانا ازاي أدخله البيت؟ وقاعدة واتكلم معاه وانا ما اعرفوش؟ بس هو بيتكلم بثقة غريبة وكأنه يعرفني من زمان تفتكروا أنا

عملت دا غلط؟ أديني هاسمع واشوف هو عايز إيه بس هو شكله ابن ناس
جدًا وشيك جدًا مش عارفة.

تنتهي من القهوة ثم تعود لتراه جالسًا كما تركته وحين رآها نظر لها وما
زالت ابتسامته العريضة موجودة على وجهه.

- اتفضل.

- شكرًا.

- أنا سامعة حضرتك.

- أنا صديق مامتك بقالي حوالي عشرين أعرفها.

- هي فعلاً ماما قالت لي إن لها واحد صاحبها بس هو مش موجود على
طول وكدا.

- أيوة أنا.

- أهلاً بيك.

- شوفي أنا الموضوع اللي جاي أحكي لك عنه هو إني باحب مامتك
وعايز اتجوزها وعلى فكرة أنا ما قُلتش لها الموضوع دا بس جيت آخذ رأيك
انتِ الأول.

- مش غريبة شوية؟

- هو إيه اللي غريب؟

- إنك جاي تقول ليّ الكلام دا دلوقتي؟

-
- ساعات كثير قوي الصداقة بتتحول لحب واحنا مش واخدين بالننا.
 - وأخذت بالك دلوقتي؟
 - لا. بس كنت بتأكد.
 - وازاي بقى؟
 - الحب هو القوة والاطمئنان والصدق الحب هو الحلم اللي بيتحقق، باختصار أكثر الحب هو الاكتمال.
 - وحسيت الإحساس دا؟
 - حسيت إني مكتمل ومكتفي.
 - بس هي.....
 - حابسة نفسها وقافلة على قلبها وحارمة مشاعرها من إنها تتحرك.
 - اللي شافته ما كانش قليل.
 - واللي هتشوفوا مش هيبقى أكثر.. أنا عارف هي دايماً بتدور على إيه.
 - ممكن أعرف هي بتدور على إيه؟
 - السعادة.
 - تفكر إيه نوع السعادة اللي بتدور عليها ست عندها خمسين سنة.
 - إنها تحس لو مرة إنها ست.
 - تفكر برضه واحدة في السن دا محتاجة كدا.

-
- كل ست في الدنيا محتاجة تحس بكدا محتاجة حد يقدرها ويحترمها محتاجة الأمان وانها تحس إن فيه في حياتها سند وظهر.
 - وهي عاشت تسند نفسها طول عمرها.
 - وجا الدور إني انا أشيل عنها.
 - تفتكر هي هتوافق أصلاً.
 - ما انتِ هتساعديني.
 - ممكن ما اقدرش.
 - وممكن تكوني السبب.
 - هاقول لها إيه؟
 - إني باحبها ومش هاقدر أكمل من غيرها.
 - لو ما وافقتش هتخسرها.
 - ولو وافقت هاكسب الدنيا كلها.
 - هتخاف تسلم نفسها.
 - هاعمل كل حاجة عشان تحس بالأمان.
 - هتخاف تكون مريضة من جديد.
 - هاكون الدكتور.
 - ضحكها بقت بهتانة.

-
- هالونها من جديد.
 - قلبها مشروخ.
 - هاصلحه.
 - عينها مكسورة.
 - هاقويها.
 - حلمها نسيته.
 - هافكرها بيه ونحققه مع بعض.
 - كداب.
 - أنا عاشق بروح كداب.
 - شايف إيه؟
 - عينها.
 - وحاسس.
 - إنها هتحبني.
 - أنا هاساعدك.
 - وانا هاوعدك إني هاعمل كل حاجة عشان أبسطها.
 - هي شبعت وعود.
 - أنا باوعدك انتِ مش هيّ.

-
- بكرة نشوف.
 - طيب أنا آسف إني أزعجتك وصحيتك من النوم وآسف إني جيت من غير ميعاد.
 - لا عادي ولا يهكم يا أونكل.
 - خالد..... مش احنا بقينا أصحاب.
 - أكيد.
 - أوك أشوفك مرة ثانية سلام.

* * *

شقة ريمكس الساعة الثانية ظهرًا تجلس سارة تمسك ورقة وقلمًا وتكتب خواترها يرن جرس شقتها تتحرك وتفتح لتري محمد واقفًا أمامها يبكي.

- إيه دا مالك في إيه وليه بتعيط؟
- أنا محتاجك قوي.
- تعالى طيب واقف كدا ليه؟
- انت واحشاني قوي.
- وكمان بس قول لي بتعيط ليه؟
- بقيت محتار كل يوم باظهر واختفي في حياتها.
- عايز إيه؟

-
- مش عارف..
 - لازم تصدق نفسك.
 - إحساسين عكس بعض.
 - مين الأصدق فيهم؟
 - الاتنين.
 - بتكون سعيد ومرتاح إمتى؟
 - مش عارف كل دقيقة معها ليها إحساس شكل ساعات السعادة والحزن في كل مرة بحسها مختلفة وفجأة أقف وأسأل سؤال هو فعلاً الإحساس دا حقيقي؟ ومش بوصل لحاجة.
 - عشان مش صادق في إحساسك.
 - مين قال؟ في كل مرة بكون فاتح قلبي ومخلص جدًّا.
 - لإيه بالظبط؟
 - مخلص لمشاعرك ولا مخلص ليها عايز تسعدها عشان بتحياها ولا عايز تسعدها عشان تفضل في عينها المثالي؟؟
 - هو انا في عينها المثالي؟
 - أكيد كل ست هتلاقي راجل بيعمل زيك هتشوفه أعظم راجل في الكون بيسمع ومش بيزهق دايماً موجود في كل حاجة مستعد يسعدها في أي شيء بيدخل جواً عقلها بمكروبيحاول ياخذ كل حاجة هو عايزها عشان

في النهاية برضه تفضل عارفة إن مافيش حد يعرف يعمل زيه وتقول لي مش مثالي وصايع.

- باعمل كل دا بصدق مش عارف باكون عايز إيه؟ ساعتها بس بيكون عندي إحساس ممتع قوي... لما عينها بتلمع وهي باصالي باكون فرحان ولما باحسها خيفة ولما باسمع صوتها نبرة احتياج إحساس إني متحكم في قلبها إحساس حلو.

- طماع قوي وأناني جدًّا.

- بابقى مشتاق للإحساس الممتع دا.

- ما هو انتو جنس كدا مقرف وأناني.

- كلنا؟

- آه هو فاكرني هاقول لك إلا؟ ما زيهم برضه طماع صحيح مش هي سألتني؟

- عن إيه؟

- إن كنت نمت معاك ولا لأ؟

- وقُلْتِ لها إيه؟

- لا طبعًا.... زي ما لو سألتني هو أنا نمت معها ولا لأ هاقول لك لأ.

- عارفة؟

- إنك بتحبييني.

-
- جدًا.
 - عارف كل راجل نمت معه بيحبني كل واحد فيهم ما يقدرش يستغنى عني لكن أنا باستغنى عادي.
 - ليه مش دا برضه طمع؟
 - آه بس أنا باطمع في الحاجات الحلوة بس ما هو أصل كل رجل في الدنيا فيه حاجة حلوة وكل واحد ونصاحته كل واحد قبل ما يلمسني بيبقى عايز يقنعني إن انا حبيبته الوحيدة أنا اللي كان بيحلم بيها طول حياته ونصهم بيكونوا كذايين بس بيبقوا مجتهدين جدًا الصراحة وساعتها باضحك فبيحسوا بالإهانة فبيكونوا متضايقين واصالحه أنا عادي واقنعه إنني صدقت وبيبقى عامل زيك بالضبط مخلص برضه.
 - وانا في حاجة حلوة؟
 - آها.
 - طب لو قابلت واحد ما فيموش؟
 - با ستمتع.
 - بيايه؟
 - بشوية أهات يرنوا في كل مكان في الأوضه ويعملوا مزيكا جديدة.
 - عارفه حي ليك مش الحب الملوث لي الناس تعرفه هما ماليينه كذب ونفاق وخيانة احنا صراحة أكثر بكتير من كدا عارفين احنا عايزين إيه وليه حب كدا من نوع ثاني حتى أهاته مخلصه.

-
- بس للأسف بتعمل تراك مزيكنا الناس مش بقت بتحبه هما بيحبوا أكثر حد مليون كذب وخداع ونفاق.
 - و؟
 - بحب المزيكا بكل أشكالها بس باكره الرجالة.
 - وبتحبييني؟
 - مش باقول لك صايح؟ الرجالة كدا بس مش في نفس نصاحتك دي ومش بيعرفوا يلفوا ويدورا زيك عينك على قد ما هما صافيين كلهم كذب... برضه بعيداً عن إنكم كذايين مليونين حاجات حلوة.
 - طب وانا بقى إيه أحلى حاجة في؟
 - مش صعب إني أحكي لك؟
 - ليه؟
 - كدا عشان الممتع هو إني أدور على اللي بيعجبني فيك وما اعرفوش.
 - مش باقول لك باحبك.
 - بس حب من نوع تاني.

* * *

الساعة الثانية ظهراً، نادي الزمالك، تجلس سناء في انتظار خالد هذا الشيخ الذي يظهر ويختفي، صديق الجنون والبكاء والسعادة تعشق أناقته يظهر أياماً قليلة يملأ قلبها بالسعادة ويختفي، تعلم جيداً أنها ظروف عمله

ولكن في بعض الأحيان تحتاج إليه فتجلس تجمع كل ألامها حتى يأتي وما زالت عينها تلمع حين تراه فتراه وهو يأتي من بعيد واتسامتها تملأ وجهها، تقف بشغف ولهفة تشعر في بعض الأحيان أنه سندها، كل امرأة لها صديق مثلها ستشعر بذلك، أتى وبدون أن يتحدثا تعانقا وجلسا لدقائق في أحضان بعضهم.

- مش عايزة أقول لك وحشتني.
 - طب انتِ وحشتيني.
 - بأمانة إنك جيت وما قُلتيش؟
 - دا على أساس إني أول مرة أعمل كدا.
- تسكت وتبقى تنظر في وجهه بدون أن تتحدث ويبقى هو مسالماً بعينه لها لكي تشعر ولأول مرة إنه يريد أن يفتح قلبه، تكسر حاجز الصمت بعينها التي تتحدث قبل فمها.

- أنا عندي ليك كلام كتير قوي.
- وانا عايز أسمعك قوي.
- بأسأل سؤال قبل ما اتكلم.
- أول مرة تقولي كدا اسألني طبعاً.
- هو انا ليه حاساك غريب علي؟

- يسرح فجأة وتتوه عيناه بينما يتغير لون وجهه، يخجل كما يقولون، ولكن هو لم يتوقع ذلك منها، في أكثر من مرة يريد لها أن تتذكره وتشعر به تقول أنها لم تشعر به، يسب حظه، لمَ تقول ذلك؟ أشعر أنني متحطم لم أتوقع في يوم أن تشعر هذا الشعور ماذا أفعل؟ كيف سأعترف لها؟

- ساكت ليه؟

- مش ساكت قولي لي انت ليه حاسة بكدا؟

- مش عارفة حسيت فجأة كدا.

- إحساس مش صح.

- هو الأجمال إنك كل يوم بتعلم شوية.

- دايمًا بتقولي لي كدا وبابقي مبسوط.

- أهم حاجة إنك تكون مبسوط.

- هو انت لسا بتدوري على الانبساط.

- تقريبًا هافضل أدور عليه على طول.

- اتكلمي وقولي اللي في قلبك.

- ياااه كلام كتير ما تتخيلموش وتقريبًا كله وحش.

- وانا جاي عشان أسمع.

- بقيت باشتاق، بقيت ضعيفة وصوتي مكتوم، ساعات باحس إنني

بارجع بالسنين لورا بسرعة الصاروخ وبافتكر لما كنت عيلة لما كان كل حلمي

ازاي احلم إزاي احس واعيش واطمن واضحك واعيط لما كان نفسي أجري وارقص لما كنت باشوف السعادة كنت بحس إن قلبي مليان أمل، بإيه؟.. مش عارفة بس كان فيه ضحكة مرسومة وبتنور كل يوم في السماء لما كنت بافتح باب بيتنا والشمس تخبط في وشي وكأنها بتلاعبي السعادة، راحت وقلبي انطفى معاها.

- مستنية إيه؟
- يمكن أكون مش عارفة.
- مش عارفة تنبسطي؟
- مش لما اعرف أحس اني عايشة الأول!
- الانبساط هو أكبر مساند يخليك تحسي إنك عايشة.
- كدا يبقى أنا ميتة جسد بيتحرك، ناقصة حاجات كثير، ناقصة الروح اللي بتعرف تحس، السعادة والحزن والانبساط، الحاجة الوحيدة اللي باحسها دلوقتي هو إني آلة.
- تيجي نغير دا نعمل أي حاجة جديدة؟
- نعمل إيه يعني؟
- تيجي نلون أيامنا، نرسم خطوط لطريق جديد هنمشي ونحلم جواه.
- نحلم يااااه، كانت الكلمة دي من زمان قوي أنا خلاص ما بقيتش أعرف أعمل كدا ولا اعرف احلم ولا حتى اقعد ألون. عيني ما بقيتش تميز الألوان من بعض.

- دا خوف!

- أه... أه خوف ولازم يكون خوف ورعب وتفكير كثير قوي عشان ما ينفعش أفكر في ألوان، الأسود مش ينفع يتلون هو كل لما بيتمكن من العين مش بتعرف تشوف منه حاجة لحد ما تتعود على الخوف واللون الأسود والنهار بالنسبالك بيكون صعب ومقرف عشان ألوانه الكثير اللي بتبقى مش عارف تفتح عينك منها، صدقني الأسود ساد مش بس على عيني على قلبي وبقت الحياة كلها لون واحد بس أسود.

يتوه بعينه، ولم يتوقع أن كل ذلك سوف يحدث لم يتوقع كم الحزن الهائل الذي تمكن منها بهذه الطريقة ويسأل نفسه كيف يستطيع الوصول لقلبي بكل ما فيه من حزن؟ الطريق أصبح صعبًا للغاية الطريق مملوء بالخوف وعدم الثقة في الحياة فكيف أقنعها بالثقة؟ ماذا سأفعل؟ وما هو لون الأيام القادمة؟ ولماذا أصبح الخوف يجري بداخلي بهذه الطريقة؟ لن أسمح لك أن تتوغل أكثر من ذلك، أعلم من البداية أن الطريق به بعض المتاعب وكنت على كامل الاستعداد، لم تأتي وتجعلني أقف وأفكر بهذه الطريقة أيها الإحساس اللعين؟ من جعلت وجهها مملوء بالحسرة كذلك وها هي بدأت الحرب بيبي وبينك وسنتنصر عليك وسأجعلها تعرف أين هي طرق السعادة.

* * *

-
- مش باقول لك غريب.
 - خلاص.... وليه ما تكونيش انت.
 - عادي ما هو كل شيء بقى غريب جات عليّ؟
 - هو انتِ مش ممكن تحيي؟
 - الحب للناس اللي لسنا قلبها بينبض.
 - وانتِ قلبك ما وقفش.
 - بس عطل ما بقاش بيحس... ما بقاش يعرف يدخل تجارب ويدور على اللي جواّ اللي قدامه.
 - القلب بقى واقف.
 - طب ما هو مش هينفع نستسلم كدا عشان حاجات خلاص عدت.
 - الوقت خلاص لكن الإحساس ما خلصش والحزن كمان والألم والأيام السوداء ذكرها ما راحتش، الفكرة مش في التجربة، في اللي بتسيبوا التجربة فينا هو ذا اللي بيعيش.
 - باحبك..
 - وانا كما باحبك ما هو مافيش ست في الدنيا ممكن يكون في حياتها راجل زيك ما تحبوش لكن ما اعرفش أعمل حاجة غير إني أسيبك واهرب واختفي لحد ما تخرج من حياتي ما انا قُلت لك خلاص ما بقيتش انفع احب

الخامسة عصرًا وسط البلد على أحد المقاهي يجلس محمد ينتظرها وما زال يفكر في كلام سارة لا يدري لِمَ يشغله ولكن يتذكر الكلام حرفًا حرفًا ويحدث نفسه...

هو إمتى هابطل حيرة كدا؟ وليه شاغل بالي بكلامها اللي أصلاً بيبيجي في بالي دلوقتي؟ وليه باعود نفسي على إني كل ما أحتاج لحد اروح لها؟ مش هي المفروض مرحلة ولازم ما اتعلقش بيها؟ وهو انا ليه ما باعملش زيهما وأخد الحلوبس واستمتع؟ على فكرة هي بتنزل عادي جدًّا أو مش بيفرق معها الوداع هي أصلاً كل الرجالة بالنسبالها شوية حاجات حلوة على متعة وحتى الستات كدا هي خلاص بقت الحياة في عينها مجرد سرير وجنس مش فارق معاها اللي قصادها دا هو إيه؟ راجل ولا ست حلولا وحش كل المهم عندها إن فيه حد يحرك إيده على جسمها ويوصلها لنشوتها القذرة حتى أنا بتتعامل معاها بنفس الطريقة! بس هو انا ليه مضايق إنها بتعاملني زي أي راجل في الدنيا؟ مش باتعامل معاها على إنها عاهرة؟ باروح اشبع من جسمها مش أكثر من كدا. وحتى لو كلامها كان صح عادي أنا طماع وحبيب أفضل في عينها مثالي بس أنا كدا كدا هامشي واسيها هي كمان بس ليه؟ مش عارف بس مش هينفع نكمل.. نكمل في إيه هو انا باحياها؟ لو آه طب ليه سايها لسارة تخليها زيهما؟ ليه باختفي وبارجع؟ ليه دايمًا أحسسها إنها لوحدها؟ ليه ساعات مش بيبقى فارق معاها اللون الأسود اللي ممكن يطفو على أيامها؟ أنا أصلاً ما ينفعش احياها جبانة وضعيفة ومهزومة دايمًا ويعني أنا اللي قوي وجامد وما فيش حاجة بتقدر عليّ؟

تظهر أمام عينه فتقطعه عن التفكير وينظر لها بعين خائفة ووجه حزين يشعر أنه لا يريد أن يتحدث معها ولكن لم يكن يستطيع أن يحاول الهرب حتى لا تشعر هي بما في قلبه.

- وحشتني جدًّا.
- وانتِ كمان.
- إيه يا أستاذ كنت فين اليومين اللي فاتوا؟
- موجود.
- مالك غريب كدا ليه؟
- مش عارف بس بافكر في حاجات كتير قوي.
- زي إيه.....
- سارة مثلاً؟
- مالها سارة؟
- هي صح ولا غلط وهي إيه اللي مخلصها مبسوطه بحياتها الغربية دي ما بتعرفش من نفسها ما بتزهقش؟
- ممكن تكون ما قررتش تكون زي ماما.
- حتى أمك هي كدا صح لما قفلت على نفسها وقفلت قلبها في وقت كان من الممكن جدًّا تحب وتتحب وتعرف حد تاني يقف جنبها

وينسبها كل اللي فات حتى لو ما كانش قدر يتجوزها بس كان هيبقى فيه راجل في حياتها يملها يحسسها بالأمان يقف جنبها.

- غريب ومتناقض إزاي قرفان من سارة وازاي عايز أوي تبقى زبها؟

- أنا لَسَّا بأسأل نفسي مين صح فهم ولسَّا ما وصلتش للإجابة.

- ومش هتوصل.

- ليه.

- وعشان كل واحدة فهم ليا مبرراتها في إنها توصل للحياة اللي هي عايشاها؟ ولا سارة عايزة حاجة تاني؟ ولا حتى أوي، كل واحدة خلاص وقفت في المكان اللي هي متطمنة فيه ومش عايزة وجع دماغ خلي الأيام تمشي زي ما تمشي مش احنا مستخبين خلاص تعرف في واحد عايز يتجوز أوي وعايزني أنا أساعده؟ أنا لَسَّا مش متخيلة ردها، قبولها هيكون عامل ازاي؟ حاجات كتير قوي هتتحرك من مكانها ساعتها ماضي طويل هيتفتح والألم هيرجع من جديد والحيرة ما بين آه ولا لأ طب ليه دلوقتي؟ والمراثية هتبقى مليانة صور تخوف مش بس من بعد كذا من دلوقتي وزمان وكمان شوية وتسعين ألف كلمة بتوجع سمعتها هترجع ترن في ودنها من جديد، يوووووو إحساس مقرف قوي مش بيشبع غير وجع ولو وافقت يبقى قررت تظلم حد ملوش ذنب يتظلم.

* * *

- في المساء يظهر على آية الكثير من الحيرة لما تفعله أمها وتقرر التحدث معها.
- كنت عايزة اتكلم معاك.
- اتفضلي.
- ممكن أعرف انتِ شايفة بكرة إزاي.
- مش شايفة؟
- ليه وفي حد عايش مش بيفكر في بكرة؟
- ما بقاش يفرق كثير عن النهاردا كلها أيام بتعدي واحنا قاعدين بنتفرج عليهما.
- وهنفضل مستسلمين كدا لهما؟
- وانتِ عايزانا نعمل إيه يعني؟
- ندور ونفكر ازاي ما نخلمهاش شكل النهاردا، نحاول نخلي كل يوم في الأيام اللي جاية ليه شكل غير الثاني فنحس إن إحنا بنعمل حاجة جديدة.
- وبعد ما نعمل كدا نيجي عشان نكتبه نلاقي كل الصفحات لونها أسود فما نعرفش نكتبه فنتوه أكثر ونخاف أكثر خرينا كدا عايشين ساكتين.
- لحد إمتي؟
- لحد ما هي تقرر تضحك.
- وهي هتضحك لناس مكشرة ومستعدة للضحك؟

- ومين الي خلاهم مكشرين مش هي؟
- عشان لازم تضحك شوية وتكشر شوية.
- وفي ناس ما بيعرفوش يضحكوا.
- يتعملوا ما احنا بنتعلم كل شيء.
- إلا الحزن والسعادة.
- ليه.
- عشان دول مقدرين واحنا مش بنغير المقادير.
- إحنا ممكن نغير أي حاجة احنا عايزين نغيرها احنا لو عندنا عزيمة هنرسم طريق غير الي المفروض علينا ممكن نبعد عن الاستسلام عادي جداً بس احنا نقرر.
- انتِ عايزة إيه دلوقتي؟
- زهقت من كتر ما الأيام شبه بعضها.
- اوعي تفتحي لها قلبك انتِ الي هتندمي.
- ليه؟ أنا أقوى منها.
- هي لازم تحسسك بكدا عشان تعرف تكسرك.
- هاتحدي.
- مش هتقدري، كتير حاولوا يعملوا كدا ما قدروش.
- انتِ ليه ضعيفة؟
- مش مهم... ضعف أحسن ما اخبط في حاجة مش مستعدة لها.
- الحياة تجارب ومغامرات.

-
- وكسرة وحيرة كل واحد يبشوف الحياة بعين غير الثاني.
 - لازم لأن لوكلنا شُفناها بعينك هنكتئب.
 - ولو شُفناها بعينك همنجرح.
 - يعني انتِ مش مستعدة تعيشي حياة جديدة؟
 - زي إيه.
 - زي إن في حد بيبحك وعايز يتجوزك.
 - وانا خلاص ما بقيتش انفع ولا للحب ولا للجواز.
 - بس انتِ كدا بتظلميه؟
 - ما انا كمان اتظلمت.
 - بس هي مش واحدة قصاد واحدة هو مالوش ذنب.
 - وانا كمان ما كانش ليّ ذنب.
 - مش ممكن يعوضك عن كل اللي فات؟
 - مش عايزة أنا عايزة أفضل فاكرة.
 - أنا...
 - انتِ مش هتقدري تحسي أي حاجة من اللي انا حاساها اسكتي
 وخلي الأيام تفضل ماشية ما تنكشيش فيها خرينا قاعدين مع أحزانًا
 هنفضل مبسوطين وخلص أخذنا على بعض مش لازم النهاية تكون
 سعيدة خليها كدا متوسطة كان فيها سعادة وبقت مليانة حزن
 وخليكِ دايماً مقتنعة إن مافيش دون بيقدر يغير الأمور.
 - بس هي كدا مش ظلمته؟

- كان ممكن تظلمه أكثر لو كملت معاه، ساعات البعد بيكون فيه مصلحة الجميع لأن ممكن حد ما يقدرش يدي الثاني اللي هو محتاجه وبكدا يبقى ظلمه فعلاً وساعتها دا هيكون الظلم والخسارة عايز تقومه أمنية.
- أه فعلاً....
- ربنا خلقها من ورود مش موجودة على الأرض خلقها سحر للأرض والسما خلانا نشم عطرها في الربيع ونجرب حزنها في الخريف وندور على صوتها في الشتا عشان نتدفي، أمينة هي الصباح المشرق والمشمس اللي بتنور الدنيا وتخليك مليان باور ونشاط وهي الضوء الخافت اللون الأسمر اللي بيبقى في الليل اللي بتقعد تحكي له كل اللي في قلبك.
- دي موجودة؟
- دي أمنية عينها بتسحر كل مشتاق تحس انك درويش، في حيا بتفضل تطوف في حضرة قلبها وساعات قربها تلاقي نفسك بعيد قوي عنها.
- باحس بروحها لما تتكلم عنها.
- روحها روح السما.
- شعرها؟
- نهر أسود تغرق فيه.
- هي ليه بعيد كدا؟

-
- الجنة مش بالساهل.
 - وهي جنة؟
 - هي النعيم والرزق والطريق للجنة.
 - طيب هي إمتى؟
 - هي طول العمر هي مش بتنتهي لو فضلنا نتكلم عنها يبقى هنموت هنا...
 - طيب دا كوكب مين؟
 - أمنية.

ويبقى الكاتب يحلم
نتقابل في كازينو بديعة مصابني
نكمل حدوتة أمنية

* * *